

寒 燠 尚 呈 詩 草



89379

拙學齋詩草初編

天
神
章

臨桂

廖鼎聲

金甫

傀備集十五

庚申

神
章

用寄韓翁詩韻奉謝葵圃爲鑄小印之作

爲山爲學一簣進雕蟲技小爭味韻半月含光陰魄全片

雲興雨砒礎潤卅年潦倒事江海鄉園曾度幾歲閨味陽

忽逢故交笑縱談消卻胸中吝古法尊重篆籀師鍊筆健

走龍蛇陣茲事於今肯妄許燕臺昔尚有吳儂吳秋伊名儂爲

我剗刻出生氣儘歷塵沙只深信延陵可惜狂又老數石

自珍博養醞繩床睡倒呼不醒埋頭簡冊手搔鬢心識陳

拙學齋詩草

初編 傀備集十五

仲三咽李意鄙蘇秦六國印別來見君腕下鬼行神俄頃

何太迅以方斯邈雖弗如交房得此固雄駿龜硃獅紐盡

拋棄猶記劫灰目及瞬丙辰途次失印百榕城之長予註

威牧宣威地名榕城葵圃爲鑄榕城長三桂嶺樵湯穎香

印見遺文爲字又吾鄉亦名榕城殊相符合亦可異也桂嶺樵曾鑄小

晨興有作柬李浣村芳肇廣文

晨起蕭齋百事無期吟叉手又狂呼一瓊舊物貧仍在千

里緘詩興不孤仲變兄壽州書入座雲山尊几席閉門風

雨夢江湖獨憐三絕官俱冷暇日相過杖好扶

徬徨二首

傍徨復傍徨客子當異鄉異鄉豈不好局促今何方離情
日以深離居日以長譬彼失羣鴻不能希鳳凰譬彼伏櫪
馬不能成驪驕欲飛身無翼欲渡河無梁河梁尚可圖無
翼焉翱翔傍徨在中途客子歌未央

明月生我前明星墮我側團圓天西東徘徊天南北東西
與北南浮雲黯無色鴛鴦不孤飛雌雉不時食人生一朝
露柰何重鬱抑春思秋淒淒晨興夜啣啣固知羈士懷終
古有靡極傍徨在中閨流光去如織

浣村見和前詩疊韻再柬

摩詰園林興有無米顛石許丈人呼爲盟白水憐鷗冷乞

拙學齋詩草

初編 十五

二

種梅花慮鶴孤卑吏敢云懷魏闕故居恰喜面襟湖此心
斟酌歸田好微雨春犁手自扶

感懷再疊前韻

臧倉計沮有天無拙宦迂生任世呼僕盡知詩風寢古兒
能學仕道甯孤眼前雲海疑三島門外瀟湘卽五湖身是
貞松饒晚節陽城清望倩誰扶

雜詩

至人無偏私天道秉太公次卽賢達徒私好亦易蒙漢儒
重節義黨禍相始終矯矯我行直難爲流俗容庶幾識幾
微外愚甯內聰

養生有奇術澹蕩希古賢靈臺獨默存吾自葆吾天榮名
遞衰盛視之浮雲然厥始猶動忍習久彌精堅形身縱勞
役坦坦神則全

近名亦非是虛譽徒爲耳了不事爭競世路平若砥深山
友麋鹿率性任野鄙君看百年壽足與金石比

守身如治玉攻苦得自見應事如持弓中的豈有變剛強
諒易折暇豫等善戰古之大賢人盤錯經殆徧益懷溫溫
度更殊伉伉彥質直有何異資秉原素綯

非聖孰無過師訓毋憚改日新湯銘盤洗滌不少待小人
徒憂懼君子絕吝悔善優所從浩氣中不餒何爲嗟防

拙學齋詩草

初編 十五

三

川吞流如大海

孝然自緘口匪惟遠憂慮於道得其真澄懷一仁恕茫茫
六合間何事可相語讀書尋孔顏妙有真樂處

四月三日夜坐二首

高樓矮屋燈齊明一鈎新月亦哉生捲簾宴坐得奇句苦
吟無和空復情

山城人靜寺鐘動極望雲天何鬱鬱冥然元化感此心塵
勞坐悔如蠖螻

明史樂府二十三首

皇覺僧

異雲西北王者與入濠倡義皇覺僧丈夫甯受制於人莫
漫呼朱公子大明垂統三百祀莫漫驚黑將軍布衣淮右
當爲君嗚呼當時誰識天子氣獨有青田劉誠意滌陽館
甥心自傾一王四帝終何成

東角門

東角門金川門宮中火讓皇奔於滇於粵從幾人嗚呼應
文卽建文太子子太祖孫

法周公

周公信可法成王果安在澄泰卽可誅廟號奚獨廢無怪
鍊公與景公皮猶犯鴛屍反背胖和尚爾尙識孝孺不識
拙學齋詩草

初編十五

四

爾心將何作瓜蔓之刑亦太忍病虎荼毒誰不怖二十三
年稱太平百世難逃一字名高皇先見等程濟何術袁珙
尤知人

失三衛

靖難之費太祖閒之學士三吾片言不回一解大甯之地
文皇畀之門庭列患訖乎明季二解武功信強殊方來王
勒銘雖夸如三衛何三解

匹成康

二十年監國政讒慝幸未成仁慈稱獨聖宥忠寬典人知
之同心一誠誰復知

新學士

新學士來奏聞香炭供棗八十萬筋數多恐病民諫給馬
又能知臣臣與君惟一心惟一身人知臣忠益知君仁吁
嗟乎惟君仁

好聖孫

解君一言回君聽太子太孫名位定逍遙城中空爾爲三
百銅缸力頗勝賢賢親兼愛民幽風一圖殿壁陳可惜
國蹙衛獨石叛生黎利由李彬論守成獨有帝盛德累諫
官繫武功隆隆初立時庶人就俘旬月期何怪親殪前鋒
兀良懼但見萬騎羅拜黃龍旗

拙學齋詩草

初編十五

五

王先生

文皇稱周公藉口又闖宦不聞王先生肆怒方侮嫚內廷
閱武一杯酒君恩不及內監厚禁禪可盜威福作太息三
楊倚太后思任頻征土木潰蒙塵北去由汝輩樊忠之極
亦已晚何不早年誅大憝

孤注君

明社未卽屋吾國已有君何物喜甯屢教也先狗彘不足
云盍觀安與瑛倚任于公救時宰相何劬勤紫荊關兵已
厭野狐嶺心尙念狡寇猶圖後世名柰何帝竟不思迎復
其兄功則大矣義未明當時廷臣空自愧建擇徒紛更陳

德邁蕭維楨

二字獄

國危復安繫誰之功雖辯何益惟公之忠噫嘻亨有貞但圖富貴也意欲二字何以服天下令人但思李賢言復位奚爲稱奪門瓦注勛高東市戮團營萬衆齊一哭前武穆後忠肅

黑青見

紙糊泥塑都要臣憊壬競進盜賊橫有一弊政尙亂國何况三事爲兼并天意警黑青見彼昏不知西廠擅淫巧進臣萬安舉朝更呼傳奉官嗟乎兩鉞奚足仗千斤先擾攘拙學齋詩草初編十五
六
商彭初政那可復六卿皆跪多爾黨雖有三原忠義懷恩直不及滑稽阿丑譎諫力

老伴來

莫謂內官無正人但願天下有賢主老伴來吾語汝汝君在東宮惟汝之輔後時李榮猶知劉大夏赤心置腹孰與伍十八年中天地德戊申何慙紹列祖

內外廠

西廠猶未足輒復分內外逆瑾狂惡十倍直幸平內難張永賴鎮國公爾不聞先皇臨崩時遺詔惟將逸樂云何知明天子自書大將軍瑾死璫仍擅國權是時臣與君盡忘

宵旰勤東陽伴食羞韓文帝終豹房悔悟抑晚矣記得八
黨又四家歡娛同卧起

王伯安

不道甯藩惡但道宣府樂甯藩事有王伯安捷書再上冠
黃冠宣府方營鎮國第安陸已迎嗣皇帝

議大禮

謂興獻叔耶世宗所鞠育謂興獻皇耶大統蔑紀綱興獻
考孝宗嗣續已不保興獻王肅皇父子烏能忘臣孚敬臣
孽亦知漢有哀帝宋英宗當時早立爲東宮臣廷和臣澄
惟思漢有定陶宋有濮前事可據爲昭穆爲人後者爲之
拙學齋詩草 初編 十五
子此言傳諸司馬氏卽論私恩又當顧何必崇躋太廟祀
晚使奸嵩拾唾餘橫圖富貴胡爲乎哭聲震闕尤迂麤導
君善諫不以愚嗚呼大禮議大獄起漸爾忠良付戮辱小
人傾軋訖未已郊天配享九廟焚三孤旋爵陶仲文

方堯舜

方堯舜堯舜何如主唐虞治天下不聞私人構怨爲君侮
又不聞修元求長生妖人是蠱桃芝降耶龜鹿貺耶婢楊
英何肆逆無狀耶河套命耶馬市諍耶相嚴嵩何獨攬朝
政耶銑非啟釁鸞勤王俺答兵戈乃寢强大同遼東日狍
猖倭寇幸有戚繼光帝曰嘻朕奉宗廟卅五年欲圖改轍

命在天可憐百疏一不省在廷豈竟無仁賢三倫已薄甘
受罽靈霄玉虛等兒戲

恩三等

先朝刑戮死建言莊皇優予三等恩仁明獨斷况不煩柰
何廷杖旋諫臣中材之主非至人

心有四

十年好相業江陵乃得罪陛下成心有四事何論朝臣墮
綱紀深宮逸樂偏惡勞盈廷內外虛大僚東林講學宣以
呶妖書挺擊尤囂囂嗚呼礦稅使民變起兵戈災異紛若
此東師固貪天功耳迨至長城壞松綖死聲威震讐撫順
拙學齋詩草 初編 十五

八

進紅丸

一月以來多美政可憐大漸紅丸進紅丸再進奈若何忠
臣再呼當柰何

熹亡明

亡明者懷惡罪熹嗚呼明亡在熹時熹不寵巨姦元氣不
剝積薪蘊火惟熹虐熹寵魏客或稱九千歲奉聖夫人此
何以對高皇帝列祖帝后之神又何以對臣工大小罔識
尊親試看二案翻誅戮慘五虎五彪日驕瞋崔呈秀許顯

純廣微恣意點縉紳雖有漣光斗廷弼等內外忠誠仍坐
死志不伸瀋遼旣陷羣盜紛事當柰何宗社湮孰謂懷亡
明孰謂熹亡明嗚呼亡明者嘉惡罪懷當柰何宗社湮

壽皇亭

朕非亡國君諸臣乃亡國壽皇亭中慘無極嗚呼朕用內
臣計非得千秋空罵米脂賊

甯武關

國亡將帥都不武伐州總兵獨千古如象昇如承疇如傅
庭賊中轉戰善威靈惟獨主撫計匪長况有參賊左良玉
誤國楊嗣昌

拙學齋詩草

初編十五

白桿兵

九

白桿兵忠貞侯甯南視汝能不羞噫吁嘻甯南視汝能不
羞白桿兵忠貞侯

補明季樂府一首

聖清赫赫定鼎燕咄哉偏隅爲偷安如馬如阮豈曰賢名
汚逆案乃弄權內廷宴逸外驕專孤忠大厦吁可憐藐茲
涼德命在天天旣訖爾明命播遷荒服尤罔競於曠我

聖清寬厚厥惟詰爾執政鴻文炳彪青史映殄爾灰燼餘
大軍南巡弋鋌耀日旗正正告爾朱明再興不於一姓請
看長白山王氣盛千萬億載同樂永慶於戲天畀我清篤

生 歷代聖

曉望

荒荒雲氣寒曉望怯衣單不病身仍健能閒夢可安借山
爲屋好平地起樓難羨爾高飛鳥凌風振羽翰

夜坐和人

小坐荒齋夜搖搖自不勝一家憐旅雁百歲感風燈迂拙
難諧俗羈孤幸得朋漫勞傷阮籍豪氣尙憑陵

雲樓出紙索書拙作因撮夙昔聞諸師友之言成此
四章書以見質

質不厭其魯惟純行不厭其迂惟真靈臺默存觀古民悠
拙學齋詩草

初編 十五

十

悠濁流風不涸無懷葛天難等倫抱一自貞切以繩我思
根源惟誠身

在野在朝各一途究其所量不異趨苟爲俗吏非端儒剛
者無慾柔則殊幾人捫心任毀譽斤斤墨染絲素濡嗟哉
好名亦已疏不見隨聲誇顧厨

任俠矜尙交早替古人折衷惟義利載之以誠不以僞感
恩狗欲非其至君看蘧賢千里意片言寡過不及矣

咄嗟我年逾四十無聞見惡難自立放心勤求傲出入攻
苦何嘗忘時習隱思慈訓悽以泣青燈獨對夜於邑微官
誤我馬在繫誓將去汝還負笈先德可食如不及

再寄蜀中

惆悵風花蜀國絃巫山高極望年年牽牛欲續陳王賦繫
雁空吟典屬篇好月圓宜新霽後故人歸在落紅前相思
日夜江流遠况使愁中聽杜鵑

自述

寄傲原無傲迂愚敢不矜貧猶遭世妒名豈望人稱性懶
清於鶴詩寒瘦若僧惟應遂初賦生計付魚鱗

遲友不至

遠樹含風聲虛簾墮月影徘徊期客來柝響夜深靜

閨意五首

拙學齋詩草

初編十五

十一

妾住鴛鴦灘郎去相思河鴛鴦不雙飛相思當奈何
河邊一片石灘上望夫立郎行不回顧封侯爲底急
行行流光邁銅壺激銀箭好自珍儀容五載喜相見
昨夜夢中歸郎瘦如妾瘦可知兩人心縑素不忘舊
癸水清且冷采蓮還涉石相思諒難盡鴛鴦十八雙

昨歲聽鼓洩垣廉訪鄧公賜以懈筠尚書雙研齋集
今始得暇讀之因用集中閱舊作自題詩韻敬賦一

詩卽呈廉訪

尚書昔督粵說士甘所嗜桂江泛蘭櫂山水寓清意巨集
鐘鏞恢未用酸腐氣偉哉懋卓續詩亦窺聖地咋舌我賤

豎謬敢置末議蔽帶歌甘棠此事吁豈易聞公遍敷歷去
每崇廟祭玉關生再入青簡功不墜朝廊譬圭璧磨礪倍
密緻節旄况鄉邦明良契古義公家金陵
曾督兩江茲編盟薇誦恍
如回欖味壇坵溯家法雙研實寡二多使公哲嗣繼武美
已洎樞參五華間汪洋蘊風致名烈袁與楊閱真可冀
示最先錫朋肯以菲葑棄枯莖爲一撞揚揚仰赤幟

寄劉少寅瀘州

已嘆滇池避甲兵又聞風鶴警瀘城故交落葉經霜老詩
思春雲觸石生曉暢幾人如向寵升沈一事問君平江湖
自有桃源棹擊楫應爲盡室行

拙學齋詩草

初編十五

三

避世

避世吾甯怨天涯涕淚身風雲終氣短骨肉鎮情親輾轉
憐孤雁低徊失縱鱗所思江渚遠况有庾公塵

四月九日紀夢有作二首

夢境一恍惚兩兒立我前琅琅誦我詩昨歲相寄篇我妻
顧爲笑粲齒寒玉鮮雛鳳侍几側手花彌嬈然此情信堪
慰鐘鳴雨如泉驚起燈照眼孤館方醉眠五年鄉信疏干
里愁雲連推枕俄成句還付尺素箋

瀕江獨名離離情空爾多悔作遠行客將柰飢驅何華髮
漸白首子夜聆清歌雖博升斗粟不耐簪組羅濁世厭拙

直長官還怒訶我命天賦予晚節甯媿嬰試諷歸去來聊
覓安樂窩此邦足塵鞅洗耳誓靡他

用坡公潁州初別子由二首詩韻寄懷仲燮兄壽州

北地昔苦別寸心踰淮潁今來三改歲索居無好景蕭蕭
客常單不秋氣先冷奉書雖稠疊滴淚夜分靜憐君宦况
薄更有兵事警八公草木盛破賊誰最猛所幸孤城堅帖
然安間井中丞僕射嗣孔融醉亦醒愛才及正平感激自
承承我聞憂復喜作詩告內省

直道世不容枉道悲填胸弟也在遠方如處絕域同瀚海
激回波難叫闌九重咄哉老將至見侮五尺童朱門炙手

拙學齋詩草

初編 十五

三

勢在暴惟終風人生迫此患何若守素窮極望骨肉親徂
徂大江東棄官苟可就我車亦旣攻石間抱完璞麻內標
孤蓬首陽雖未擬願作采薇翁

予昨有憶吾粵近人能詩之作偶遺許堯丞廣文

嶽

而曩日相遇涉南曾題一詩於集亦旣佚去今追

憶所題得一二零句遂補成此章五疊送伯雄觀察

詩韻

馬牛風遠粵及滇別君以來十四年憶當判襪歷下先石
南司鐸欣有賢離棕繚繞蓮湖邊新詞脫口花欲然狼烽
歲歲紅燭天鄉關數見已不鮮同谷吟苦諒益專可惜郵

筒無與傳傍徨舊雨心骨鐫那得相忘丁卯篇於今美子
冥鴻騫金臺百丈慎勿前浪游曩轍還爲宜吳越楚豫齊
曾燕歆盟江渚鷗鷺拳卽此逍遙何待躑耽詩况爾衆說
穿飲滿七十有二泉歸裝記檢書一肩雄直之氣真所偏
盛名在彼白雪妍觚生引玉曾拋甑是時王道稱蕩平優
游翔詠爭精堅回首海桑人事憐冷官莫辭廣文醜臯比
高坐經生筵

詩成復遺陸澹吾吏部吏部苦吟又工在都與唱酬
最歡也復成此作六疊前韻並倒押之

橫陳書卷燈照筵通籍尙守兒時氈敝車羸馬不受憐此
拙學齋詩草 初編 十五

古

爲味道能固堅退直考詩哦仄平磨墨硯破銅雀觚筆端
朗潤仙露研入洛真繼機雲偏廣坐俗談獨聳肩秀奪山
綠清灌泉訪君城北履屢穿縱論樸學踞復躔食古透爪
看握拳我有悲歌來幽燕任從阿好乃敢宣推敲記否前
席前九萬河源溯張騫臨歧更贈寶劍篇潼關一什壁許
鐫相將驛寄憑語傳吁嗟嗜茄惟其專大官烹羊亦肥鮮
特喜寒瘦豈性天君家放翁如杜然騎驢細雨劍閣邊後
生自易趨前賢龜堂黽勉誇繩先收京意氣矧少年下風
拜倒萬里滇

好月篇

素娥窈窕天西頭美人凝望天東樓霓裳羽葆焉可求丹
梯平步青霄秋我攜此月問太古缺誰劊削圓誰修清宵
良夜樂哉樂任君汗漫歡遨遊月好人亦好人好應不老
呼月相送拾瑤草照徹十洲與三島

碧色團圓天影空太陰魄鑄瓊瑤宮酒酣喝使西復東妖
歌艷舞不能終此月在花花倍紅在水如珠驚睡龍有客
朱絃發高韻鳳簫雙引秦臺風月好四時好待秋還恐早
涼雲吐精白浩浩戀伴銀蟾直到曉

續好月篇

好月復好月感君明鏡照人髮髮黑易白月不沒千古輝

拙學齋詩草

初編十五

五

光倍清越一輪推上玉京關可憐思婦愁空房更悲蕩子
去百粵鳳凰不來天已西崑崙年年生別離碧蓮紫桂美
風景關山望斷魂悽迷魂悽迷夜深夜憑誰寄故鄉彳亍
倚高榭好月雖好柰若何好月長好何其多願君續聆好
月歌願月不老人則那

拙學齋詩草初編

臨桂 廖鼎聲 金甫

傀儡集十六

庚申

楊曉園廣文

廬東

見過索詩漫書相質并柬浣村

古琴無凡響良玉無纖瑕勁節出本性高文陋淫哇要知
 樸學尙肯以虛車誇名士事標榜去道實已退羨君職秉
 鐸宮牆仰崇奢求師緊豈遠一貫真靡涯俗庸貴針砭國
 楨培萌芽况此滇輿區味陽山孔嘉宗臣有遺烈元禮還
 通家謂浣村更懷昌黎言根沃其光華我愧來田間投老志
 量差習詩了餘藝抗希功何加但矢心白壁與交託青霞
 拙學齋詩草 初編 傀儡集十六

一

重席前致詞請聽噫無諱碎旬許鐘應鐺鐺聞鼓搥官曹
 外物耳回首如泥沙

月來吟事甚多夜忽夢人告曰子盍專事渭南乎醒
 而異之書此以紀

心血凝成想精誠帝儻聞未殊忠愛性亦有詠歌勤佳士
 平生許中原百戰殷夢回供一粲團扇欲圖君

又絕句

合把黃金鑄放翁九州獨跨此才雄廣陵記否平生惜七
 百年來調未終

少小篇章悔獵漁指南師法賴王

叔淵

徐華

治淵

淵源自識

山陰好飄泊甯惟劍外居

讀粵西人詩仿元遺山作論詩絕句得百二首

象郡山川關自秦蒼梧絕學重前民如何詩斷三唐始漢

魏風謠迹就湮

議諡當年偉論生山巖曾署讀書名粵風祠部論初祖四

怨三愁復五情曹 鄴

以下唐

主客圖中句未全曹唐大小賦游仙岳陽李遠空成戲鸞

鶴依然下九天曹 唐

廿五人中第一人杏園重試亦無倫論詩何必尊壇坫拂

袖清離萬古春趙 觀文

拙學齋詩草初編 十六

二

正聲落落拂絲桐老檜寒泉響未空酬唱深閨文事樂居

然高隱繼梁鴻王 元

積思冥搜致力深神珠瑞玉有人欽最憐賸簡無多在還

誤湘江細雨吟翁 宏

百篇爲謝翁宏作洗耳巢由志豈孤想像伴行惟瘦鶴廖

融當日有詩無廖 融

慘淡天涯賦倚門歸田聊許報親恩白龍科第人空紀白

馬祠堂今尙存梁 嵩

五代

泉州道士禮虛皇漕使新篇爲寫將記得茶江崇祭社競

呼詩老作周王周 渭

以下宋

立魚峯頂幾回登文苑聲華憶昔曾父子荒陬人不識空
留片羽紀中丞

草慶元

馬革沙場徐伯殊姓名猶幸表輿圖白州長史金城戰一

例傷心賦綠珠

徐 麗

挂冠神武德真潛一賦穿岩韻懶拈今日豹山招隱地猿

啼鶴唳爲誰兼

林 通

瀟山一集今何在勛業終誇馮大參科第三頭良不負獨

憐鄂倅識榭柑

馮 京

和光洞口有詩留人去仙踪未許求欲擬夷齊原不似青

雲丹竈夢橫州

安昌期

拙學齋詩草

初編 十六

嘉祐才名並李陶粵南山翠倚天高龍蟠亦似髯蘇詠未

用王珪摺蔗勞

李時亮

晦夫學本聖俞師曾拜坡翁合浦時笑殺詩箋疏考核強

從六一訂宗支

歐陽闢

文肅高文富徹齋雲歸菴裏試糲鞋可憐彌遠終何處那

識湘源山水佳

陶 崇

短簿風流世未知磨崖江澚姓名垂如君附驥猶堪美請

搦灘山水月碑

張茂良

不愧南軒儒子弟蟄巖佳詠贈升之千年識取唐公佐羨

煞秦城王氣詩

唐 礪

人言混迹入罽津誰道罽津又有人吳越名高留不得秋
墳零落弔湘濱

陸 蟾

玉方響出桂華篇錦野朱川妙孰銓更有詩僧宗與可噴
禪師後亦超然

石仲元 奕 嵩 景 禧

一篇妙什詠湘山魏晉歌謠亦等閒欲覓高風渾不見九

州黃鵠自飛還

黃 佐

以下明

松樹情傷棄置多竹籬素蟻奈君何嶺雲十字堪千古太

息才人失網羅

陳 暹

喬梓名詩大是難尙書老去釣江干清湘回憶年時事衝

雨斜飛燕子單

張廷綸 張 棗

拙學齋詩草

初編十六

四

侍郎不作中丞死登眺無人負好春割取山雲歸袖底丹

梯白鶴弟兄親

陳 瑤 陳 琬

雜詠怡情樂自如詞林切要著遺書一官投老棲巴蜀憶

否碧蓮峯裏居

唐 瑄

好問詩新暑拙菴洪都宦轍又滇南麥黃一什周民隱欲

續幽風作美談

包 裕

湘臯巨集又瓊瑰二陸雙丁信是才未侈西涯詩法在風

裁嶽嶽重三台

蔣 昇 蔣 冕

繫獄能成正氣吟剛腸熱血自森森晴窓手把東湖集感

我蒼梧萬里心

吳廷舉

福州開府集英靈玉碎珠殘欲涕零親自球琅出燕市瓦

文深綴呂公銘 呂調陽

講學金陵李白夫亭名琢玉道心腴劍門治績誰堪繼三

百年來與不孤 李壁

秋官垂死杖痕香往迹令人感不忘九卷鹿原仍北派問

誰高唱和仙郎 戴欽

楚客留連漫苦吟首盤風味故園心秋來入坐青霞滿獨

對堯山成古今 張騰霄

三友堂成此靜觀桂山多骨雪霜寒移家卻愛交州遠久

井清流契古歡 馮承芳

拙學齋詩草 初編十六

五

羽王著述富堪珍配得名姝句亦新不解雲巢詩在否枉

舉蕭艾誤斯人 張鳴鳳

忠簡當年謫夜郎蘆笙吹落滿頭霜珠璣脫贈傳人口猶

記龍山舊草堂 張翀

聞道郎官敢建言笑將淚雨灑乾坤 原句 如君白首猶卑

吏若箇青詞媚至尊 何世錦

半村肥遯絕塵想抱膝哦詩興自高猶有輞川風味在不

曾輕賦鬱輪袍 鄧鏞

都嶠山人傳集賸麻陽政績亦堪誇秋懷跌宕關河老悃

悵戎州拂劍花 王貴德

邊塞孤臣慨慷歌遼陽兵事竟如何平生知己臺山相寄
與清詩血淚多

袁崇煥

作倅江南有鉅公文章海內獨推雄惟憐薏苡明珠謗感

舊漁洋恨不窮

謝良琦

若瓜逸興畫詩兼勝國風流姓字潛若喜禪機參正論虎

邱劍閣句須拈

尚濟溥 晚

元音郢雪許開先文事甯從武備傳識得五州團練使腐

儒三策壯平滇

高熊徵

昭代元良徵偉業相公教澤有遺書卽論餘事仍山斗吉

甫清風頌穆如

陳文恭公

拙學齋詩草

初編 十六

開府名高後竹林

謂唐納牖唐之柏

諫垣寶樹亦森森文章事業

俱千古認取梅花鐵石心

謝賜履 謝濟世

勸農什如儲太祝杜律又聞誇退菴莫便相輕秋興句此

才清絕鎮無慙

劉新翰

同譜東洲兩侍郎傳來賸語叶清商絕勝老學靈溪叟詞

賦偏輸文字強

呂熾 楊嗣璟 劉定適

功成徒老千夫長殘月朝雲得句來後有邵曾堪嗣響畫

師亦是軼羣才

李廷柱 附曾 明 鄧 松 羅 辰

得天書法望溪文親受師承十載勤爭柰菁華就湮沒只

傳俊逸鮑參軍

陳 仁

江楚人師道自尊
能書况許步平原
烏頭馬角生還否
盡室東征滿淚痕

黃明懿敬頌

詞曹父子比三蘇
異代人文得似無
尙想宗風賢伯仲
寄

情琴語足清娛

朱若東

依魯

朱

桓

榮

下學京門志願賒
材搜史館著東華
並時獨怪鄉評略
警

電無人數謝家

蔣良驥

謝允復

人自梅莊許代興
風塵顛倒料難勝
巨篇懷古遺珠玉
文

獻真傷不足徵

李時沛

隨園夸大自豪雄
嶺右偏師竟許攻
陝蜀諸篇希庾鮑
誰

言秦七遜坡翁

胡德琳

拙學齋詩草

初編 十六

七

綺琴操出古音微
秋笛吟成識者稀
作牧天南飲清露
孤

鴻爭不羨冥飛

龍皓乾

雅風休爲土風嘲
韻事一家好句敲
雲舫題來更幽絕
芭

蕉新月上東稍

王之齊

清俊堪誇王鶴崖
鷓鴣堆畔月痕揩
未能勅敵屏山老
炯

蝶無人飛上階

王嗣曾

潘成章

楚江吟咏興騷騷
幽艷無窮屈宋豪
尤喜二難堪競爽
集

成瀦野首頻搔

歐陽金

歐陽鑑

羅蓼心戀趁歸帆
閒吏詩編手自芟
坐感埋憂到蠨蝥
墓

門新表淚青衫

劉映棠

小臣將種亦書生
西出東歸萬里情
百戰靴刀終不死
請聽樂府變商聲

楊廷理

四潘才調丙崖奇
吳下知詩近有誰
我爲文清留轉語
梅

花風骨本難卑

潘 鮪附潘 鯤 潘 鰈 潘 鰈

姑蒙鬚白唱喁喁
北地東蘭兩宦蹤
不及大鈞游興健
麗

江直取少陵宗

陳 儻 羅大鈞

抵死爭名到反脣
一圍詩亦不猶人
要知助烈尊文定
何

必區區琢句新

俞廷舉

宦遊西極玉門關
才筆縱橫蔚巨觀
始信江山助文藻
中

原旗鼓要登壇

黎建三

拙學齋詩草

初編十六

八

秋水淡浮河漢影
露華新上海棠陰

先生句

和篇笑過鐵樓

詠膾炙緣何只谷音

樂齋先生

讀到荒城淡落葉
味陽游屐料曾經
此間閒話繙君詠
感

舊憐才眼倍青

左方海附左乾春

愛民心更重窮交
敦厚溫柔品不滑
獨惜九京曾處士
人

琴何處淚空拋

鄧建英

把臂才人笑口開
梁園詞賦問鄒枚
歸休雅稱韋廬友
十

樣雲箋取次裁

黃東野

拾餘只見觚餘記
文字關情到勺洋
珍重晚唐風格好
兼

葭秋水畫瀟湘

王 鎧

河陽一曲壯韶咸勝國興亡語未劍差喜巢雲樓上客惆
時風味別酸鹹雷濟之 蔣勵宣

耕餘宦隱又歸田博取才名三十年我愛荆軻書傅後莫
將創論詆遺篇龍獻圖

嵩薛集成惟自序逸情高調入深幽六家題後君誰取一
聽哀蟬落葉秋朱齡

遺緒難忘重嶠西半生心苦遍搜稽君家感遇曲江曲擬
古七篇應與齊張鵬展

防河禦虜擅奇功埋碧先臣早効忠老去底將迂緩論朗
吟百首秀江東熊方受

拙學齋詩草初編 十六
主客圖成有師法二童入室真古交升堂鳥鶴律漸細僅
許到門惟鶴巢童毓靈 童葆光 袁思名 葉時哲

疲驢瘦馬上京華風雨淮滌且駐車一卧瘴鄉羶獨冷頽
濱吟望入天涯青晚先生

儒吏才人重晚江盛名隨處易心降夜郎老著黎莪詠白
髮談文對石缸鍾隱先生

盛宗代有布衣尊謂朱昌煥 朱緒父子 晚見騷壇樹赤幡終愧竹絲
異鐘呂後來居上不須論朱依真

廣文垂老夢京朝小著芸細歲月消爲愛西山歸拄杖化
成八桂鬱青條黃體正

登高原數大夫能秋社杉湖雅會增榕葉陰中餐荔子苦
岑入座有聾丞

李洪需 朱椿年敬填詩

島佛競傳綠蔭派文昌兼溯碧川師一吟雲重晝疑暝恰

見山高月轉遲

覃朝選 唐昌齡

城南秋老徹烟烽王粲辭家興轉濃料得海棠橋畔過聯

吟無伴獨扶筇

倪 誥

薄宦天西壯志銷涼州酒熟夢鄉遙莫矜骨傲從天賦羞

笛聲聲總寂寥

朱廷楷

白蓮蠶起勢紛囓黑子孤城未易降從古儒生多勇畧功

成長揖泛吟艘

朱鳳森

拙學齋詩草

初編 十六

十

守經愛竹紀雙劉說史難分後勁道等是閉門陳正字可

憐無補費窮搜

劉啟元 劉 棻

紫卿獨賞鎮安作菑叟兼收讀史詞我道滕王與鸚鵡乾

坤清氣得來時

袁 鉉

征魂蓬背雨瀟瀟不怨春風怨折腰堅革軟絲垂喻意定

知官緒鬱無聊

鍾 琳

石麟天與名臣後濁世翩翩南北帆五字長城妍鍊好敵

衣容爾換朝衫

楊立冠

無田聊且賦遄歸嶺外傳薪樸學稀四海相師一惜抱小

詩仍擬步陶章

呂 璜

高飛黃鵠健凌霄一代元燈衆律調正雅淘沙羞自獻未
聆翡翠戲蘭苕

陳繼昌

聞道天青入百蠻灘江一葉泛蒼山何殊杜老秦州詠身
自招潭畫裏還

余明道

壯遊江海助清懷題到松巖語最佳山鬼薜蘿幽怨極前
身恐是屈平儕

蔣卜德

大江寒食最淒迷一語如聞琴韻低少日高歌今冷落夢
魂不逐洞庭西

何家齊

彭袁舊是潯陽秀春柳何如董曲江拈出青山愁入暮立
之堪使鏡亭降

彭

炅

袁昭夏

拙學齋詩草

初編 十六

十一

城上烏烏尾畢逋古音繁促何嗟呼潘君合抱冷官骨詩
瘦如秋霜上鬚

潘兆萱

鍾子山梅動幽興水雲如夢月來親蒼茫獨立情無盡更
遣新詩寄故人

鍾儒剛

病鶴支離許獨飛情傷捧檄遜斑衣搜來奇句低徊絕如
此情才死合非

曾克敬

尖叉幾疊坐嚴冬一現曇花造物慵更感詩孫山谷渺古
懷十首露霜鋒

蔣一輔

黃圻

抑齋抑鬱憑誰訴忍使殘篇付佚忘寄語山中自珍惜可
能家學繼南蒼

周思贊

左樵客死九嶷深
賸哭鄰分死後金
骨肉斯文誰不負
數行分註挹蘇吟

左樵

聖童名早播
髫齡天忌才多悔
謫星纔哭秋官又
藩伯十

年淚眼悵飄萍

蔣璟

龍啟瑞

龍啟瑞

並世詞壇掉鞅雄
紀將後死有遺風
就中異物陽彭輩
論

定千秋亦至公

陽秉鏞

陽祖修

彭昱堯

陳應元

論詩成後自題二絕

生小惟耽雅
頌風任看標榜不
從同孤懷莫笑虺
蜮臧泉說能將玉石攻

舊訓趨庭憶愴然
宣文夜課夢魂牽
埋頭亦有歌謠在
強

拙學齋詩草

初編十六

三

爲兒曹紀歲年

旅中苦無書從人乞借有作

枯腸蕭瑟苦冥搜
一笑書癡豈善謀
珍似伏生藏孔壁
點

宜蜀主據荊州
枕邊吟罷燈初對
紙上談餘箸可籌
風雨

杜門頻折柬老夫把卷當封侯

述懷

水清伏地流誰能
念爾勞鳥冥向天
飛誰能測爾高
哲士

守初志放歌以爲
豪黃金買憂患白
壁埋蓬蒿請今謝
世

塵歸歎尋故巢

故巢亦安在十年
溷兵戈美人青雲
端壯士逝水波悠
悠

懷舊心激昂壁爲呵尙喜童稚長能辨衣薜蘿我讀兒問
字妻繡妾織梭將從老衡茅俗夫無咎訶
咎訶念今日貧賤人易輕白眼阮嗣宗傲骨禰正平下僚
此屈抑國士原菁英玉美視爲石琴孤不如箏墮哉渙忍
場我志何由明爲傭願矯矯爲鐵甯錚錚
錚錚復錚錚貴盛吾何美高明鬼瞰室轉眼成露電抱茲
芳草心肯爲素絲變遠瞻淝陵山宦苦情亦倦攜手得永
好二頃置陽羨

雨中

日氣冷蕭蕭山城白雨跳身閒詩力健貧甚宦情消下策

拙學齋詩草

初編十六

三

攻芸簡長鏡鬪藥苗昔年戎馬際真悔折輕鬻

苦吟

苦吟終不進憂思乃無端漸老頭顱易能消氣骨難對花
羞偃蹇得月助清歡徙倚層檐下鳴雞夜又闌

不寐

掃榻清風入窺簾片月高此心含脉脉不寐獨勞勞感極
陳思賦吟深楚國騷美人隔千里幽怨那能豪

對酒寄蓮舫

樂聖魯國君在側中賢燕市我在旁今時何時天南荒獨
坐無侶思茫茫莫矜子雲文莫效德祖狂請爲高歌奉高

堂

對月寄子敦

月如人面白山似客髮青山青自依舊月白無留停面容
那有不衰時髮痕短短今生絲百歲可嗟吾老矣眼中之
人周叔子

送友之湖南

宦貧不如舊爲客今我送君神暗傷青山湯湯去三楚心
隨遠雁搖瀟湘瀟湘之水美且洋上迦灘江是故鄉憑君
傳語先報訊秋風我亦度衡陽

假得劍南詩快讀竟夕用公謝王子林院判惠詩韻

拙學齋詩草

初編十六

十四

作一首

我吟日無間此事竊比公聲稱固難逮嗜好將毋同自昔
諷公作杜陵傳遺風客從劍南來尺札修雲鴻珍重購斯
集望眼穿天東夢寐付杳冥假歸聊鑽攻忽若彘器獲恍
焉歎唾逢廣陵散絕名酒噉不空我今四十六入峽多
奇窮矧復走荒蕪萬里行無功埋頭瘦詩骨內憂外甯豐
投筆亦已矣鏡中誰老翁

憤

草草虛名吏尙卑憤來真悔有生時 國家元氣精英少
塵世多憂涕淚知割席幼安龍尾詭入關定遠虎頭悲蒼

茫四十無窮斫地高歌欲訴誰

傷

毛生捧檄老萊衣
兩事情傷願總違
薄宦一天瞻故壘
浪游寸草失春暉
堦麓江渚鴻思侶
藿飯鄉園鶴忍饑
自斷數奇蒼昊意
怨尤終泯漸知非

夢

夢思歸隱溷漁樵
老耐清閒厭市朝
愁目當關雄虎豹
驚心並世長鸞臯
兵戈何日潢池靖
風月平看故里遙
懷抱平生漫竒崛
古來貧賤尙能驕

遂甯吳雪堂少尉

敬亮

以船山補遺詩刻見惠漫題

拙學齋詩草

初編十六

五

此章

風華自屬峩嵎秀
名筆爭傳驛壁詩
舊學逸編誰爲補
正聲大雅豈容卑
於袁蔣趙論優絀
問去來今雜信疑
坐想一麾東國渺
海波浴月照吟卮

拙學齋詩草初編

臨桂 廖鼎聲 金甫

續夢集十七

庚申

自昨歲攝篆南甯迄受代八月以來詩僅五十餘章
今兩月間乃成二百七十餘首此事不可不記也時

五月朔日作

蕭閒堪耐老簿領竟妨詩偏是青春誤誰應白壁知榴花
開恰恰芳草長離離寫興兼懷遠臨風坐小簾

偶書齋壁

心清早覺宦情非永美山農薜荔衣長日熟眠消磊塊閒

拙學齋詩草

初編

續夢集十七

雲靜對脫鞵職文章壽世仍何用談笑逢人只道歸獨嘆
四方兵甲滿雁鴻終夜盼廬肥

杜門

銳志爲詩苦自纏杜門日日聳吟肩亦知平子工愁句那
及莊生齊物篇插筆半空風雨迅翻匙一飽蕨薇鮮旁人
尙美分官廩齋壁囊空已可憐

滇中

滇月人俱遠滇風虎更狂偶然成薄宦慎勿戀他鄉棋局
憐紛靡兵機况陸梁我生一蟻蝨低首淚沾裳

不盡悲生事憂疑總付詩豺狼莽當道天地豈無私北斗

層雲隔南山晚照移此邦足珠玉誰許問居奇

歸粵行

常人致身恐不早我今歸田又恐老未歸且作歸粵行有
如東坡懷蜀道蜀人思蜀粵思粵粵山况較蜀山好蓮蕩
湖中放釣船東巖西壑爭相妍清風時時拂袖底白鷗泛
泛來尊前形骸不用拘官府城市竟亦通林泉結屋數間
置妻妾男讀女織了干涉緘書催寄淝陵關輕裝料理彭
澤楫素絲漫染貧仍安白頭共守意已愜此時不歸能幾
時塵勞坐困猿鶴姿丹爐九還空鍊鼎黃梁一夢嗟薇司
浮雲富貴可知矣流光偃蹇將何之嗚呼生逢堯舜治巢
拙學齋詩草 初編 十七

二

由獨抱高尚志臧倉有言孟叟沮文仲竊居魯國位敢說
洗耳孤 聖明聊且抽閒誇傲吏

寄遠

我心勞勞不知遠我心匪石常自轉佳人別我淚羅襦雙
痕忍憶秋水翦臨風極望天邊書三十六鱗多鯉魚此書
置向魚腹裏又恐魚游不到彼低頭卻弄雙明璫報君無
書情不忘

檢閱舊作見昔年送別仲變兄詩愴憶成此

艱苦惟君甚平生隱痛銜一從歌碧浦何處種黃杉千里
况兵革三年此報函壽春古形勝山翠望嶢嶢

聞葉星皆刺史

燦章

將來曲靖詩以迎之

同君少年客京國談兵說鬼蕭寺春御河橋頭折新柳君
歸軍旅曾躬親功成長捐不受賞名挂千佛羞麒麟遠屈
作牧走滇海戎機四境揚沙塵夙昔龍韜看三試果然勇
畧無與倫大府委蛇議休戰陽明隱退爲保身再出蒼生
殷懷抱忽訛邊寇紛紅巾飛檄知君定能事搖搖旌旆鷹
隼陳羅平妖鳥那堪掃聞風已遞清四鄰君來白石江上
月一爲話舊誰主賓

偶吟

不有詩成癖誰爲伴此身一官原未老百事鎮隨人鏡裏

拙學齋詩草

初編十七

三

涵新月瓶中釀古春呼朋歡共話意取葛天民

晨起走筆成詩

何日真買歸途艘夢魂日夕縈清江低首微賤不自量
妄希千古傳詩章詩成拔劍地下撞裂背看盡世愚蠢羣兒
倚勢吠若虜那知人生露電場轉見膏油殘夜釭我拙不
作乞憐腔耿耿衡茅心所降掃除垢污辭亂邦鴛鴦灘頭
芳蘭芷老死名山且未妨

夜坐與人論兵事慨然成此

池潢十載已厭兵妖戈狂逞爲構爭彼自犬羊與梟獍雲
擾六合何縱橫咄哉狡量固淺師徒不武虛震驚紛紛

死事秉忠義山河氣壯騎長鯨就中坐僨心未一糜餉鉅
萬孤 聖明卽今江南好消息西湖腥穢白骨撐滇國
孔遠始聞訊掃除幸復連屯營綏州將軍鬚眉奮昔起草
澤今長城祲氛皖北乃獨盛壽春薄宦我有兄拊髀極望
淚滿眼竊冀露布飛紅旌 盱食紓憂報 天子私衷
亦慰骨肉情遐荒夷蠻小醜耳大星夜落收櫬槍耳聽吳
越先廓清允矣作歌四方平

吳雪堂饒梅笛

文讀

兩參軍過訪劇談走筆漫贈

一官勵節守難廉倜儻參軍兩不髯風雨西窗清話永兵

戈南詔壯懷淹隨人嘲哂稻情癩老我推敲杜律嚴

雪堂以船

拙學齋詩草

初編十七

四

山詩集

閒煞空庭幽鳥逐夜深送客始開簾

志事詩六首

四齡識字初慈母授我讀我兄長二齡共硯日追逐我父
方遠遊皖江事僕僕我祖八十餘衆孫森似竹延師教羣
從呻唔滿庭屋惟此兩弱兒閉戶清課獨老人色然喜摩
頂石麟祝望我承世訓先疇農應服獎譽及佳婦風範本
名族洎茲四十年無成苟薄祿涕淚瞻壟岡治身何能淑
作詩紀恩勤仰天以當哭

五歲知聲詩晚涼忽自悟日習千餘言不使偶訛誤不則
咎楚加難回慈顏怒六歲病頸瘍醫庸幾錯鑄夢驚起離

床背誦迨若懼尙書此卒業兩月孰如注藥鑿置床頭嬉
游禁寸步熒然夜燈青兒卧倏已寤猶聞事點畫精整遍
章句折角易舊卷苦心訓側註兄慧亦似我資稟稍強固
私謂弟質弱凜凜未敢訴

兄年甫髫齡鬢序實有聲我亦學操觚文事心怍怍自在
丑與寅閭黨誇錚錚辰歲夏秋交角勝如麀兵泮藻連市
槐醜顏厠科名那知憂患始疾走趨燕京父也憫我勞提
攜窮途征終天恨風木血淚爲兼并歸來見慈容一痛不
欲生還負意氣盛冀博祿養榮五載恃又失長此傷獨煢
嗒然使心喪漸已忘世情

拙學齋詩草

初編十七

五

饑驅南北途燕趙齊魯間念爲妻子累惘惘悽心顏春官
及九上一第終命慳鳳池入我夢無名列仙班從此歸衡
廬空囊食仍艱兩兒長似我頗謂殊愚頑牛衣泣深夜兒
亦竊潛潛是時四方亂烽火滿故山大府檄我出頓忘書
生屣投筆始奮袂登陣戈甲擐薦剗荷當途 詔書降重
關乃遂膺微職甚矣非等閒

我婦繫何賢病甚勤持家兒幼撫已成我客尙天涯此別
作選人三載羈京華一官又萬里窮厄偏日加望書兩眼
穿無以慰子嗟憶我昔在途九死頻舟車弱骨天幸留所
冀豈不賒奈何蒼蒼意謹責未少差譬墮大海波狂風擊

斷植又若刼灰塵白肉摧熱沙薄俗敢相校清淚流如麻
內傷外獨默低首聞悲笳

觀書意不適奮然擲去汝起視江海寬我兄在何許四十
困子矜才高轉見沮今茲升斗祿况復關塞阻壅粥未暇
飽此情痛逆旅俯思平生操廉隅或可語先人有明德里
閑亦楚楚詎希食報厚獨嘆動齟齬寄音淮河濱偃蹇待
遐舉一畝棲邱園豐年足稔黍白首期相敦丹青自爲侶
邇來簪組場真如坐罔圖

紀夢

別緒盈盈對綠窗夢魂渺渺墮殘缸低徊蓮葉東南北顛
拙學齋詩草

初編十七

六

倒鴛鴦十八雙纔是歸人來遠道若爲秋水渡橫江一天
幽意三更月語不分明警吠羸

曉起

曉起山城翠欲揩涼風簌簌淨塵懷處宗談笑餘雞枥摩
詰園林有鹿柴曾犯清霜行路客更留殘月讀書齋偷閒
暫擬安心便囊橐蕭然也自佳

古風三首

東家勤耕鑿西家事商賈商賈能居奇狼藉飯過午耕鑿
但食力炊烟細縷縷一旦聞流言道旁出猛虎食盡行旅
人過者輒栗股西家悔遠遊東家自作苦

越姬坐我側齊女侍我旁明珠炫錦衣一一增輝光借問
操何術辛苦諸兒郎暮夜常進金照耀白玉堂老夫爲掀
髯爭媚邯鄲倡惟獨爨下婢竊笑如佯狂

在昔羅敷婦卻贈嗔所親今茲浣溪女效顰悅路人容顏
固妖艷尺壁污垢塵兄弟亦虎狼色厲矜齊民內顧多颯
顏尸居徒此身請勿用驕玩鬼瞰難具陳

五月三日仲燮兄書來慨然有歸志感寄一篇

言歸繫豈易不歸諒未可兄弟四十年各各遭坎珂淮上
方傍徨滇中亦尾瑣譬如坐塗炭且復辱袒裸溯自壯盛
時意氣信頗頗銷金磨麤石試玉灼猛火及茲萍蓬飄微
拙學齋詩草 初編 十七
祿難活我一家迫餽飢此計誠又左君尤困厄深行步動
積裏憂患萃兩人前生何因果早回桂山轍亟買洞庭舸
相約棲田廬雖貧志貼妥

薄暮偶興

烟際耿微月城頭生遠峯推窗倏已暝風動聞清鐘願言
攜芒屨踏碎山雲重

曲城重五

去年重五烏蒙行故人舉酒爲我傾今年重五味陽客枝
官投轄忘世情門前古井輾轡聲酌泉識美心自清綠筒
縛黍堆滿眼菖蒲香嗅微風輕旅中節物最所惱鄉閭入

夢魂魄驚孤篷轉空何日定拔劍斫地當夜鳴豈異江湖
爲逐臣愴然竊弔楚屈平浩歌此時不稱意欲聽桓伊一
鼓箏

偶感

微生天何吝夜起視星昴宦味逆旅同離懷俗慮攪回頭
撫世事歷歷見工巧卽今憂患深但令僮僕飽食貧吾固
安竊笑彼狂狡

寓嘆

夏不事葛衣冬不需重裘俗殊氣候異來此萬里遊宦味
亦云薄面朋多所羞利途森坎井毫末爭寇讐赫赫潭府
拙學齋詩草

初編十七

八

居煌煌鳴八駟非無耳與目難辨薰與猶咄哉抱迂愚去
矣何遲留側身向西望天地長悠悠

平生耿忠信於世一無欺真性混沌存涉歷逢憂疑皎皎
皓月光浮雲終蔽虧明明完璞珍燕石紛瑕疵微吏皆朝
臣強項自可爲幽人絕塵想素心彌可期讀書希聖賢早
戒鑽穴窺錯節挺松柏獨貞歲寒姿

數日意頗不適作兩絕句

身墮人間苦味經金鴉何處刷秋芩等閒貧甚應无病消
受清風卧短屏

交到知心惟道直詩難脫口要吟安此生孤拙含深怨芳

菊幽蘭佩又餐

連宵不能成寐枕上自贈

南帆北馬有詩篇荒微羈棲倍黯然萬里兵戈人欲老一
宮傀儡月重圓才名肯付悠悠論時事難禁僕僕緣除卻
此身原外物勞生何術解憂煎

寄劉玘石司馬

兼懷哲兄少寅

江陽昨相遇慷慨見元方縱談惟兵戈餘事還詩章今來
履白石門外仍瀟湘思與故人晤忽若天蒼茫棠棣豈不
懷我亦孤雁行浩浩瀘水波悠悠淮河長兩家共一心知
子神暗傷廿年走關塞才名阮籍狂旗鼓爭中原妄希壇
拙學齋詩草 初編十七

九

垢光終悔學不進聊爲歌未央

葵圃攝篆馬龍三月矣皇然有饗殮之謀慨之以詩
纍纍金印繫在肘窮州之字大如斗欲餐平原待乞米欲
飲彭澤難致酒少年不願作卑官願飽梁肉祛儒酸那知
風味且非昔誰念綈袍范叔寒

雜感三首

嗟予苦孤特坐此羶上針忠義夙所懷時危才不任功名
嚇腐鼠飲啄希微禽况當濁世流洋洋聞鴉音風薄渺非
古勢下趨至今苟盡澠忍爲何由明素心

虎豹雖食人不似讒口惡繫彼深山中誰復遇橫虐可憐

樽俎場每每強嗜弱獅貓用捕蝶彈丸常擊雀怨毒豈在
大片語勝鋒鏑長吁嗚佩刀湛盧要有託

結交遍江海獨取靈輒餓一飯烏敢忘殺身未爲過北地
多任俠南風忍辱挫怪爾婁師德自乾面使唾我今不謂
然軟絲慮熟悞奮袂尋仇讐勿使夜郎大

近乞余書者甚夥偶作此詩寄振喬振瀚

作書如作詩工夫在書外古人法不傳冥心以默會少年

志科名蠅頭弄狡獪一第終我慳俛得遭黜汰衰裘明光

宮雪風寒衣帶

癸丑冬以中書引見未蒙記名

幡然事戎行學劍偶無

賴纔博尺寸官遠來趨塵壘讀律乃切要乞米况顛沛忽

拙學齋詩草

初編十七

十

枉縑素陳每誇筆墨最憶昔京華居臨池若藻繪今茲久

棄去直等秋蛇蛻狂言動四座諸家譏自鄧玉虹信尊尙

師說肯茫昧

曩與叔淵論根雲制府極稱余書可以師古翰臣方伯謂

有玉虹

吁嗟老將至厄窮遇匪秦憂傷實孔多結習終莫

柰寄音到鄉廬他日恐溝澮留此數行訓用質九州大兒

曹各努力塗鴉又何害

再寄振喬新領中書職亦以論書之意教之

中書宜中書此職誰可稱昔我嗟濫竽平明策鞭鐙趨朝

覲

天子一夢苦迷悞歸來鑽故紙臨分涕淚贈燕臺

感窮交滇海豈捷徑兒幼我遠行萬里未息脛汝學知就

荒慨言要敬聽汝官忽忝列入手芬蹈躑告汝事作書希
古志堅定勿喜流俗趨便給等口佞勿爲且暮改規撫苟
乘興辛勤箇中趣神完骨自凝貌妍與璧美蘇公傳語賸
於今牛馬走百技敢求勝誓欲焚筆硯任笑塵生甑先業
爲柄付遺經恣考證弱弟我鍾愛秀姿出玉瑩尤慎篤友
恭旅懷獨汝聲

采蓮曲

小妹丫髻鬟采蓮擷其莖芳香入我懷旭日新弄晴
蓮心雖云苦蓮葉青復青畫船穿花去搖碎池間萍

美人掣花立笑花不如我並蒂兼並頭采來兀自可

拙學齋詩草

初編十七

十一

將花比儂心清潔不污泥將儂比花貌窈窕堪與齊

睡起

亭午日當戶輾轉尋睡味一懶了此生百憂動歎歎不是
故將軍難禁灞陵尉

坐雨

一雨消煩熱無人自讀書兵機千里外鄉信五年餘遠雁
知過嶺流螢暗墮裾景光殊落寞終是羨樵漁

復雨

溜急墮空階層霄暗遐矚客中無好懷况此瘴霧觸隱囊
自徒倚考經起就燭時當苦菜秀盤餐啜寒綠

放歌

宦游所得能幾何所失如我又孔多鄉園兵書走急羽逆
旅歲月翻白波兒曹廢學計衣食饑寒未免傷滂沱少年
意氣老蕭瑟不甘污賤還悲歌人生鴻毛天眷賦世事雞
肋身嗟峨誓懷利劍洞仇腹上報 明主回陽和

覽古

卞和獻其璞刖足乃毀身祁奚能舉怨豈盡不避親屈原
忠愛徒放廢爲逐臣吁嗟士在朝孤立多見嗔卽今渾濁
流忘私曾幾人是非出好惡日月靈沙塵

聽言不以衡心盡爲耳役樹黨自異人雖公亦下策何況

拙學齋詩草

初編 十七

三

易喜怒聰明蔽肝膈所以戰國時四君誇好客狗盜雞鳴
雄後世有深責今且無孟嘗相去更什百

言利必亂邦貪功亦壞國彼尙有所爲流毒斯靡極儉王
計日下饔餐求自殖扶爾清夜腸又勝剽掠賊伐冰畜牛
羊附益鳴鼓力長嘆齊霸君烹阿封卽墨

自遣

日飲一甌粥夜讀數卷書蕭然寂無事自顧樂有餘何爲
中樽陶方寸如猿狙烟塵恨淮穎羽檄連鄉閭十年盛逆
孽萬里遑甯居我身固蟣蝨願爲王前驅墮此荒漠域暗
投羞明喜者獨謂妍雖石誠擬瑜怒者獨謂惡雖龍仍

若豬哲士善隱遯仁賢徒趨起偶感風雲懷長嘆冥嗟吁
六時飽兩餐意愧古穰直道旁父老言攜手不受呼作歌
增激昂拔刀繞庭除

讀書

寂寂坐虛室了無人可親惟當勤讀書時或見古人黃唐
去已遠風俗難使淳世盡用法吾獨還吾真

餽粥苟可計旅宦何爲哉正爲抱遺經驅我從饑來古有
原憲貧斲粟衆所推我今仰介節豈必忘蒿萊

端居憶故園舊游

一從相別赴幽燕北地南荒漫五年山秀割雲鋪袖底江

拙學齋詩草

初編十七

三

空插月墮尊前未成小隱驚閒寂豈不懷歸厭僕緣長夏
榕陰秋徑菊端居日夕鎮魂牽

新晴暮望

宿鳥投空林浴鴨蹴淺水新晴風物佳涼意薄窗紙吳棉
五月尙裝衣客子離情空願違請君一上高樓望但見遠
山銜夕暉

予詩多勞怨之辭固感於所遇也意頗厭苦之輒成
此什稍自振起云

天與勞人號詩慙秋士吟杜陵君國意蘇子弟兄心亦欲
開幽抱相將契古音中年賴陶寫絲竹鎮情深

前詩酸楚終不掩其怫鬱復作此以自解

有情誰易遣無病那能呻志士還山願男兒墮地身雖愁

仍磊落不悔是清貧一事差堪慰緘書重頽濱仲變兄書來約解組

歸田未知能如願否

僕人潘蔚日夕苦吟聊示以詩

儻從能詩且愧吾淡中生活未全孤古人不朽匪文字拙

學難成笑老夫對影燈枝歎自語縱游竹杖瘦誰扶閒來

一憶西塘畔荷芰將花過賞無臨漪園池荷料將開矣思一往賞之

丙辰入都途次所題詩仍於他處見人直書以為己

作復增其一則僮父語也不覺失笑今追憶其事漫

拙學齋詩草 初編 十七

作長句託之

刪後詩篇嘆佚亡昔稿刪存十之二為襄樊之變盡失之近來元悔篋中藏

那知海內飄零句更作人間假借方故主籠紗增感慨

生阿壁問荒唐唐卻思舊卷珠難返又恐冠如李戴張

襄樊之變予所手訂宗譜帙亦俱失去隱恨甚深復

作此誌痛

飄零我一身淪落到先臣戎馬平生恨關山涕淚新幾時

收散帙重與敘天倫遺器羞難獲臨風暗愴神

芳草曲

露頭烟脚青婉婉芳痕侵入天涯遠天涯蘼蕪窺江波瘦

損愁容將柰何只道鶉啼歸去好黃塵紫塞身已老

寂坐書感

小屋如舟窗南北寂坐無人自太息飛蠅營營投隙來暮
蟬嘒嘒曳杖亟故鄉雨汗應葛衣殊方春服寒尙偪眼底
雲山寄千里耳中羽檄紛羣賊且爲高唱一散懷寫付鴻
書斜點墨珠斷平一

臨漪園觀荷

陂塘小著塵埃間芳蓮灼灼意甚閒午風吹涼此宴坐暫
容半醉開心顏紅裳碧衣神自遠偶憶凌波出變婉鵲橋
畫舫阿誰邊櫛湖漁莊又可憐曩事幾經春白頭如許新
拙學齋詩草 初編 十七

五

凭欄花笑客臨水月窺人

雨中復往

菑菑向人如欲語微颺吹雨更楚楚芳香間雜蘅芷氣素
質合愛鷗鷺侶有情折花寄遠道濕雲陣陣催詩早輕絲
牽綠深房紅池平一片磨青銅

雲山寄千里

中隱憐餘翠艷且欲高神一
小星破曉窗南北
人自太息頻

雜坐書感

更添春恨奈何只道鶉啼歸去好黃塵紫塞身已老

拙學齋詩草初編

臨桂 廖鼎聲 金甫

續夢集十八

庚申

擬古行

十八女兒自美好琵琶抱向長安道胭脂北地不堪買墮
入黃塵身已老嗚呼爲樂當及時誰人不美容華滋卽今
偃蹇無相識惟有低頭思故知

聞士彥姪從軍皖上蒙

恩記名道員兼花翎領

布政使銜喜而有寄

君不見男兒本志在四方功名樹立何雄強十年攬取簪

拙學齋詩草

初編

續夢集十八

一

組貴亢宗獨愛阿咸狂小來飢驅適異國於今奏績登明
堂悠悠一別稀問訊愧我微官無短長有兄亦在淮河旁
壯懷抑鬱思翱翔安得合并萍蓬跡共道契濶燈燭光高
曾一脉多舊德爾尙念切梓與桑矧復羣季盡顯職衰門
蹶起應更昌傳家回首治縣譜魯齊秦吳皖蜀梁廉吏可
爲益信耳惟憐下走牛馬行滇南萬里望江北喜極無言
賦此章

憶舊

杏花春雨消息絕芳草王孫慘成別離堂酒滿沸如湯三
疊陽關不能咽秦城趙壁歸何時合浦明珠有還期凭欄

望遠撫今昔令人徒有長相思

少年走馬燕郊塵華堂高宴春可人一枝穠艷花解語李
桃淺笑芍藥顰狂名枉坐江海客燕雁含辛意不適青天
萬里何茫茫欲往相從蕩魂魄

感事

豎子成名廣武嘆四方何時弭寇亂文臣愛錢武惜死於
今流俗已強半名城大都迫喪亡將帥驕橫卒猛悍美官
獨從兼金市高才不值一笑粲嗚呼世無聶政荆軻徒洞
胸血及長嗟吁猶將遣爾毛錐力直伸撻伐誅羣奴

苦雨

拙學齋詩草

初編十八

二

天似人愁絕沈陰不放晴月遲花際影風過樹間聲旅夢
燈檠暗淡談劍匣鳴爲憐好身手空擬庾蘭成

小飲薄醉

填胸磊塊酒何益手金叵羅向空擲自慚小戶不禁醉獨
有豪情毗裂赤世兒齷齪吁可哀百年看爾埋蒿萊蠅營
伎巧安在哉虎狼之國信雄大鹿馬猶教趙高賣何況么
魔等蜂蠆

看劍行

松紋寶劍來融州精光四射逼斗牛掃清逆孽曾在手豈
屑燕頰誇封侯卽今棄置久未用夜半風雨鳴颼颼嗚呼

丈夫不作韓擒虎猶當下與俠徒伍酒酣攜汝赴都亭徑
取奸人報 明主平生正直名不揚死去更署閻浮王

聞寇警上當事者

丈夫本願爲世用聖主賢臣額手頌可憐微賤遭亂離荒
域虛糜羸官俸紅塵狎脚辱已深白水盟心薄自供曉來
軍書催火急嚴城鎖鑰形勢重亦知繭絲保障哉無衣請
賦事許共吾聞古人治師克在和敦詩說禮仍委蛇忠誠
一心炳日月前規可鑑今則那相如負荆屈廉頗趙國無
患功何多嗟乎此言亟要芻蕘聽同仇戮力戰必勝

平生篇

拙學齋詩草

初編 十八

三

平生鬱陶深自憐世無知己紛眼前時事悠悠付杯酒流
光鼎鼎嗟百年低頭就人乏媚骨狂呼作俠不名錢惟有
舊物親寒氈冷吟可嘆形拘拳君門悵望萬餘里池潢兵
戈亂若螳英雄殺賊三尺劍安得相從一笑起嗚呼男兒
遠志空爾爾半夜搥膺淚流泚四五十抑老矣

養疴自題

少事差未忘奄忽又將老人生如傀儡誰與爲顛倒行樂
要及時榮名安用寶神山吸石髓寒氣灌至腦恐復成緣
慳形骸日瘦槁

閒中遣興

百年難得此身閒，剩憶家園數尺山。
荒徼到來餘慷慨，微官老去喜疏頑。
野花含笑春常在，泉水盟心事不關。
千古人希元亮躅，寄書猿鶴一開顏。

宮怨

君恩無厚薄，妾貌無妍媸。
但有千黃金，低首媚畫師。
畫師非正人，君自不識察。
馬上琵琶彈，胡風吹軋軋。

閨怨

置妾居蘭房，相親不幾月。
去去萬里餘，妾夢多恍惚。
聞有新人歡，那知故人寒。
粧啼對明鏡，雙淚紅闌干。

有省

拙學齋詩草

初編 十八

四

身世浮名底，處虧九還丹。
復見靈芝腐，儒自是全無用。
廉吏於今不可爲，靜攝初心成妙悟。
閒憑冷眼看真癡，人間廣大貧何害，振翼鯤鵬快所之。

雨夜

殘燭疏燈映四鄰，短歌長劍一番新。
忽如天漏兼旬雨，不速客來深夜春。
山送鐘聲驚夢語，坐欹帽影苦吟身。
遑憐廣廈千間歎，茅屋羈棲未是貧。

將進酒

將進酒酒亦不必醉，怨亦不在大平生。
壯遊久燕趙，剛強那肯一毫挫。
清標亮拔雲天高，五夜捫心自穩臥。
身有讒

不受辱面有毀不甘唾白眼睚眦食馬莖事權縱未屬三尺寶刀能使仇腹破嗚呼一杯醜告明與幽匹夫快意萬夫賀呼起要離千年不死之英靈爲我漉頭飲血激頑悞識我爲誰割席坐

若雨望霽作歌

蒸雲瀉溜昏復明牀牀屋漏眠未成老日疑沒大海底乖龍割耳翻盆傾農夫望天俯首歎行旅阻絕洪濤驚我作庸公百無事聊圖一飽袖手行睹茲陰霾浩白晝欲攻萬仞堅愁城砉然坐想雷霆轟更迓封姨揮長旌頃刻淨掃萬里平且喜四方洗甲兵嗚呼此願要易遂 聖人在

拙學齋詩草

初編 十八

五

上光寰瀛請看扶桑杲杲騰輝晶

記平昔所見器物各種二十一首 隨舉成篇不復詮次

純廟新製石鼓文摺本頌 謹序

石鼓十 臣 以辛亥春敬觀於濟甯廼乾隆五十

有五年我

高宗取周宣王時鼓文未蝕之字連綴成篇

命工精刻復搨其文裝池成冊首頁

御筆題四大字曰新文舊式上用

古稀天子之寶一每頁復鈐

圓印一顆輝煌

宸翰光如日月洵至寶也謹紀以詩明我
朝鴻文鉅製照耀千古云爾

於鑠

高宗天宣我

聖煌煌

功業周宣是競石鼓有十取古爲鏡

新文舊式璧圓珠映

詔置太學

幾餘歌詠標識甲乙點畫明淨榻陳巨冊觀者起敬

璿藻親題

拙學齋詩草

聖書四正

天子古稀萬國同慶曰余小臣仰瞻厥盛不虞詰屈獨喜

健勁史籀復出恪守

帝命堂哉皇哉

鴻庥遠暨

曲阜 孔廟所設古尊壘樂器歌

大者曰鼎小者鼐旁置簠簋中尊彝范銅作式匏與犧古
色斑駁商周遺兩楹巍崇視 殿墀庭下雜陳樂人司鼓
磬祝敵紛陸離笙鏞琴瑟皆續蕤舞以八佾毋敢訾隆隆
廟享肅典儀於戲匹夫百世師悅見 聖顏來歎咨溯

昔名言魯論規玉帛鐘鼓豈在斯卽觀法物神憑依僂僕
循行弗告疲初獻亞獻逾恭卑迄乎終獻惟敬之博考舊
志闕里垂三代重器厯厯知或殞 丙府付收楮或仍前
朝長留貽要識宮牆非易窺如天之高誰攀追區區元會
有盛衰道炳日月終不虧請歌一曲儷銘詞

孔子手植檜贊

匪金匪石歸獨存兮千八百年氣象尊兮夫惟

至聖

道弗諉兮高僅丈餘手澤繁兮新枝間發秉枯根兮恍如
靈著識運元兮先秦兩漢松柏蕃兮瞠乎其後若兒孫兮
我來仰觀嘿無言兮端木所種取并論兮江河日月壽乾
拙學齋詩草 初編 十八

七

坤兮一物固微肅廟門兮允矣神異曷敢捫兮恪恭執事
維駿奔兮

泰山秦無字碑行

穹窿泰山頂象木東出震俯視規鴻濛仰攀跨雄峻不圖
巨石蹲秦碑勢益振立如五丁削當以何年進諦觀無一
字悶想雜疑信祖龍大狡獪劫火妙識認厥形轟四方厥
地當萬仞後王侈金玉傑構亦符印終竟贅文藻未若此
獨吝我爲岱宗語有似執笏搢不則天地意置爾儼作賓
荒唐問太古直斷理可訊

李斯篆殘碑歌

二十餘字萬劫餘神光燦燦猶秦書居然石爛海不枯好
古何人嵌廟隅方之索靖如弗如我欲卧其側夜半燭火
驚蟾蜍亟起摩挲心跡踏此雖殘物伴璠璵更感黃狗牽
上蔡甚矣祖龍無遺墟命工搨取裝傳車載歸圖史側蠶
頭蠶尾資獵漁

石經峪分書經字歌

峭壁巉巉字如斗水簾高掛洞幽黝年深百丈洗剝蝕當
時快寫出誰手濡梁大筆真淋漓石工更詫神鬼奇一一
吐吞老蛟口就中完整分之而心盲目眩猛登陟梵音如
傳天竺國咨嗟東望初陽停白猿化叟來看經

拙學齋詩草

初編十八

八

開元碑歌

明皇開元美初政東封勒崖鴻筆映字大徑尺數有千作
頌李唐獨稱聖可憐故事誇乾封一時得寶歌宏農元元
皇帝祀遠祖侈心已兆驪山烽泰山豈不林放如謬飾符
瑞胡爲乎卽今穹窿耀蒼石精攷點畫惟羣儒元和韓碑
尙在否巍巍功業挂人口高文視此非鋪張後世猶訾毀
文昌

溫涼圭贊

于闐玉琢此圭或桓或信古制稽長四尺餘徑九寸溫涼
氣殊疑難論奇珍遠致從

高皇山靈再拜典庫藏

饗養尊銘

并序

尊圓形底圍二尺有五寸漸上漸削口僅八寸
高尺有五身蟠龍形者二鱗角備焉下有四環
銅色純綠權之重二十觔腹裏篆文十餘彷彿
見之不可摹識稽之博古諸書亦無是物或曰
饗養尊也歷城人得之以售於連平顏氏予見
之濟州爲作是銘

角木之體鴟夷之腹丹書在裏莫能屬目穆然深翠古製
肅穆盛以清酒是苾是馥粵人珍之市夫用鬻毋曰饗養
允受百祿

拙學齋詩草

初編 十八

九

衡山松歌

火維地荒作鎮雄上封靈利何鬱葱門前天矯蟠雙松植
自何代形如龍大夫將軍不受封撐檣南服柯葉重我攜
芒屨升祝融欲覓响嘍渺無踪但見此物心愛鍾有神鬼
呵肅肅容微颺吹涼疑仙風珊珊玉骨人不逢老僧扶杖
迎客恭指示萬朶鮮芙蓉湘流曲折都朝宗奇景到眼荷
天工結茅樹下懷隱衷悔又挿脚紅塵紅向松再拜偃偃
從誓將棲真七二峯元鶴答語精誠通衡雲千古橫在胸

華陰廟明洪武時所繪華山圖歌

西嶽峻極不可登繪之圖上猶峻嶒三峯削成雲霧蒸對

山作畫氣侷儻此筆有神惚兮恍尋收夜半來稽顙吾聞
藥師書上欲斬大王頭又聞希夷棋局高卧蒼崖秋英雄
神仙多戲游何若茲幅窮寫巉巖狀千古長懸觀者王金
碧不蝕慘意匠濠梁真人定六合傑構巍然出閭闔當時
妙手繫爲誰且儼巨靈一擘金天陲

桂林開元寺舍利碑題後

開元古寺城東南碑與彌勒爲同龕塔鈴受風向人語此
中舍利佛骨函書者褚登善藏者優婆曇石僅一尺餘真
書數十神味醴窮荒旣少漢晉碣唐製最先傳雅談寶之
勿失留茅庵奈何等諸鬱林石載歸大舸爲耽耽東陽定
拙學齋詩草 初編十八

武好追探桂人豈盡嗤愚慙

聞有人覆此碑以去故云

柳侯碑題後

柳州柳刺史劍銘十八字句奇語重知者希當年製此有
深意九醜制四民福神出七首鬼夜哭於今片紙如連城
洞庭舟過老鼉伏 相傳攜此碑入洞庭波濤不驚一角已壞光陸離請爲
歌詠傳其辭辭何若以爲言大書元和十二年書自柳宗
元

荔子碑行 卽羅池廟碑

昌黎作歌祠羅池粵中廼有荔子碑碑辭謂侯福壽我柳
人謳思真弗衰思弗衰柰若何蕉黃并進涕泗沓送迎一

曲神聽和神聽和恪恭以在廟來觀敢用嘖與笑龜躡
立文字妙巨筆稱是眉山蘇又謫書者厥姓朱清雄奇麗
要非俗到今傳誦三絕俱比鄰崇祀更司戶科第官職賤
如土但得高名齊二子那遂虛生天地宇

伏波岩米南宮畫像題後

光明水與月山根擘圓洞中有熙甯人秀骨獨出衆昔在
無爲軍拜石意喻諷何年陟邊州清風任嘲弄真形陋圖
麟斯品敢題鳳緬維古衣冠自寫世增重一本入內府虎
兒肅贊頌無乃卽此像付與巖壑供公姿神仙如鸞鶴相
引控公書俊雅絕蘇黃數伯仲灘波縹寒綠終古以目送
拙學齋詩草 初編 十一
譬彼蕭閒堂模式不稍縱仰公樹立卓破我塵俗夢笠屐
更緊誰墨卿錄趙宋

元祐黨籍碑歌

臣京親書端禮碑詔令郡縣皆樹之臣光臣彥博以爲首
伊川眉山亦在斯怒椎研旬一夜壞名不可滅猶有詞孰
意後人得碑名益重權惡舉事翻愚癡他處漫沒都莫攷
尙喜桂州融州兩地存嶽巖厥惟龍隱巖梁律刻以慶元
之盛時又惟老君洞沈疇刻於嘉定稍稍遲當年子孫歸
美其先祖心識大賢碩彥同昭茲炎荒遂爾耀日月靈岫
珍藏弗缺虧萬本揚成唐千佛四家棄置魯大師我今鋪

觀肅展拜神志虔恪仍闕疑珪惇列入抑或誤安民仲甯
偏足奇八百載來劫火屢三百九人河岳垂幾曾傾側卧
眞屨那似神姦圖魍魎吾宗正一附此末族牒且要輝鼎
夔慨想道君乾綱墮太阿甘付京柄持轉眼五國詫北狩
朝廷寢小終不支從古黨禍關氣數洎今殷鑒長嗟咨嗚
呼此石堅完峙嶺表有宋崇甯吁可規贖取陳東諫書盟
手再三讀天下正人忍教一網打盡無子遺

銅鼓歌

中原古物眼見夥旁側底空各鑄字綠紋赤綫紛具陳蠶
頭蠶尾明不偽卽若新息樹銅柱兩句勒銘耀天地諸葛
拙學齋詩草 初編十八

三

舊器亦屢出何嘗其上鮮題誌此鼓粵疆競羅購實指漢
家說有二旣無篆籀窮顛末又少隸分紀本事蘊包席裹
舉國狂萬夫千牛遠道致或誇蚪蚪兼蟾蜍或詫丹砂與
翡翠盲童認汝歷年代詞客侈汝頌符瑞要皆博取欠精
審徒矜宏雅吐瓌異武侯昔日歌南征滇雲瀘水悉所至
奈何彼間乏是物豈獨嶠西巧布置樓船將軍旌旄建振
旅殊域討徵貳傳聞躍波老鼉攫欸忽銷金范馬意終焉
失據千歲渺聚訟羣儒總心醉鼓雖有口惡能言摩挲皤
腹負幽邃峩峩桂管開府雄節樓檣一壓震位誰其繼者
福州撫得兩忱拜無射賜鏗鎔扣以桐魚桴詠嘆遍索珠

蛟織是時民間益鄭重角巾竹扇等游戲我聞奇賀露非
偶側念鼓鼙思將帥附會况仍從兵戎朕兆毋乃在烽燧
市設叢應室黻麻一一評量鼓妖魅果然巨猾起潯郡巖
崩灘吼吁可恚獠狂蠕蠹難掃穴珣弓畫旗莽拔幟誓欲
埋爾荆棘深那貴驚人越駱類緬維神姦圖九鼎貢金禹
皇仰大智到今坤軸炳作鎮山河奠定永永治以方斯鼓
誠奚爲楚問且貽後世議周宣畋獵石鑿十甲庚橫列妥
序次穹蒼呵護久未磨斯真至寶妙純粹炎荒銅鼓苟用
珍蠻酋銀釵擊獻媚

關壯繆刀贊

拙學齋詩草

初編 十八

三

赫矣

壯繆偉哉漢臣寶刀是握英風嶙峋賊操逆權

不污吾刀凜烈萬古彼罪安逃率土廟食尊同

魯國

豈惟荆益浩氣四塞卽今荊州猶傳重器金精耿耿世亦

寡二

西安碑林行

長安城中烟塵浩如海異物盡聚鬢宮旁碑林深邃境清
絕墨花墨雨靈芬揚搨工走赴面黧黑耕此石碣田無荒
我來摩挲日未竟聊與古士爲趨躒最先响嘍及石鼓厥
次秦漢含英光羣書分踞東南北亦被翻撫茲地藏種類
繁多外罕見惟獨真楷紛三唐十三經本寶巨觀半惜錢

蝕經千霜不聞蔣和寫進刻太學新製還比舊製臧搜括
載攷創何代豈知同文雅化周遐方山東大國且漫數眼
底曾覩萬萬章邊僻遠處視吾粵巖洞所蓄仍精良兼收
博取有遺漏應笑天地大矣難論量碑林專擅要可喜宇
內任舉挈其綱目窮心賞竭來誇望洋禱生毛子歌壽昌
吉金瑞玉祓不祥

曲靖爨府君碑行

龍顏碑出已稱古擘經閣中一見之孰道此碣固先顯恨
未及與文達知同樂縣人建甯守剖符本邦誰先後林宗
沒矣令名彰誅銘字字誦人口頗怪通志載獨畧執筆並

拙學齋詩草

初編 十八

古

紀越州郭完好如斯何茫如遂使觀者相詫愕夷攷建甯
置蜀都司馬因之曾無殊蠻方羈縻示最遠中朝宦轍希
來趨府君故是同樂人鏘鏘震響誇賢仁衣錦畫遊正英
妙鸞鳴鳳翔集一身太亨乙巳義熙改中間元興稱二載
想見荒服奉正朔晉臣恪恭耿尙在十三僚屬都署官當
時誌壙含辛酸江湖相忘昔有喻金石雖非終不刊嗚呼
爨氏苗裔隸羌部旋降旋叛傷驥武歸王曩殺翫弄兵隋
唐以來爛爵土邛都縣侯獨忠誠振威將軍錄哀榮兩君
隆隆耀竹帛興古爨琛齊有聲貞石自應表六合靈爽幽
宮雨風颯墨花灑入諸葛祠時維咸豐壬子臘味縣南游

我問俗牆陰快讀苔蘚綠寶子流芳動慷慨作詩礙附藝
文續

英親王冠袍食器歌 并序

英親王者我

世祖入關時諸功臣中之一王也今八王中無英王者諸
王後嗣有坐事失王而英亦其一也曩客京師
與王裔宗室奎孝廉善遂獲見王所服御各物
因作歌以紀之

桓桓聖清初入關諸王翊贊戈甲擐神武悅疑天人降頭
虎毛身豹子斑英英一王最驍健順承克勤皆陳顏功成
拙學齋詩草 初編十八

五

錫爵拜和碩戰袍血漬紅漏瀾後王有失奪藩號罰賞最
公法如山奉恩將軍留奉祠我王助德原不刪裳衣宗器
世所寶後裔儒文數典嫻邊陲小夫得眼見卻立咋舌驚
懦頑短服四尺袍七尺大布青藍還深黧冠巨若箕壯額
角銅筋鐵骨罕可攀廉頗善飭飲數斗遺物偉觀重百鎰
象箸雙枝長逾尺珣弓坐想百石彎可惜寶刀付藏庫雄
風駿馬收天閑每當陳設重時享似覩褒鄂親往還宗臣
珍此景前烈帶礪同盟涕潛潛時當妖氛亘大白紹先努
力歌平蠻

雷雨

霽雨三旬久荒齋一事無民生足飢溺客髯老羈孤樓近
雲堆岫城低水漲湖茫茫憂思迫不敢怨窮途

懷子敦

白酒千鐘對雨寒紅蓮十丈共誰看
侯遲悵我懷鄉切慨
慊知君行路難游子襟期忘遠志
儒生事業勝高官一篇
寄與相思券古調青琴賸獨彈

雨霽望城南諸山

青山如故人雨洗見清削來登南城樓屏障映虛幙真峰
在何許妙高亘西郭感此思鄉園芙蓉似天鑿湘流益深
幽石秀爭窄粵行當樵風引中隱尋昔約

拙學齋詩草

初編 十八

六

拙學齋詩草初編

臨桂 廖鼎聲 金甫

續夢集十九 庚申

六月既望于役宣威有作

匹馬出郭門妙高猶在目言尋石龍去薰風送南陸炎天
趨炎方暑長利行速囊詩知我貧駕輕得就熟經年隔榕
山翠屏好重讀同袍仰徐孺一官共民牧時青城徐曰良
司馬署篆榕城
坐笑頭銜親白髮新可掬奔馳敢告勞瘡痍慮難復且用
迫簡書誠求置心腹哀哀語窮黎悔禍斯受福

別宣威道經炎方白水題壁誌感

拙學齋詩草

初編續夢集十九

一

經旬滯烏撒邊風聞蕭蕭日飲宛水清太息兵事囂夜郎
坐自大野火原田燒我拙無斧柯何以格民苗驅馬從此
辭炎山石嶠嶢更行泉關西烽燧耿不消茲役良浩歎返
轡心旌播世無諸葛公南人徒雄梟又無郭汾陽回紇制
彼驕冠上怒髮指佩劍鳴在腰極知伎亦窮城狐紛媚妖
題詩付驛壁聊當傳歌謠

返曲城後同人集寓中小飲

老槐翳前榮旭光照木末打頭屋如舟稍喜庭院豁素心
集二三適性語通脫開觴泛清醞藉潤談吻渴涼風動蕭
蕭白雨跳活活檐間鳴滴溜赤龍下流沫醉起各有辭登

樓岸巾葛吾方滌黃塵晚霽天宇闊送客顏玉山明月倒
可喝

短歌行

天地雖大只藏一身古今雖遙能知幾人一解浩歌茫茫

游子離鄉素衣生塵元髮爲霜二解老之將至英雄徒苦

功業不就聞雞起舞三解九州鑄錯六合橫飛擬從赤松

何方可歸四解侯王僞稱孱弱獨恥世無穰苴竊愧青史

五解君皆明聖臣何昏愚致死効命忠亦區區六解寸心

如焚覽時增哀陰雲蔽野悲風颯來七解鼓笳涕零莫喻

我心歲月云邁憂思日深八解

拙學齋詩草

初編十九

二

七月十一日自曲赴省途間甚雨留宿馬龍署中

羈魂驚不定一夜雨鳴秋池漲魚翻藻燈明客倚樓蕭條
撫人事浩蕩入邊愁斗大山城宿何因此滯留

通泉

馬龍署中泉名

清泉含脉脉誰共爾盟心鑑影風塵老忘言主客深題詩
孤館夜入夢故山陰何物祛煩惱燈前酒細斟

發馬龍

傍城深積潦輿過似輕航詩思橫秋水人家隱夕陽風雲
天不測兵燹地常荒去去山程遠關心此異鄉

入滇垣後病作書悶

孤館人無寐深燈倚壁青心勞秋易感肺病夜常惺兒女
憂懷切雲山旅跡經如何占有喜默坐息冥冥

病中意頗不適歛枕成詩

牢愁萬語天有耳豈但魂消別而已孤踪遠寄趨黃埃七
歌同谷何悲哉身較杜陵倍憂患卅年以來無少間苦心
自知咽茶葉世途所經歷雲棧邇來一病冷雨秋閨窗書
史仍低頭如龍如水走車馬夢中曾鄙于王侯嗚呼男兒
不合生奇骨坐使風塵老白髮嵇康石髓從緣慳卞和璞
玉受足剛要識蒼蒼著此人一例埋憂蟻蝨倫且須目前
取快意擲筆高歌驚鬼神

拙學齋詩草

初編十九

三

寓齋卽事五首

平明人蚤起陰晦滿秋城燈火光猶賸家山夢未成怪奴
催馬策聽客絮雞棚鄰院酣歌歇幽眠到枕清

敝衣親檢著不改舊時寒騎月雨偏久吹雲風自酸似僧
修苦行憐我戀卑官拚得離懷擾還嗟世路難

卅年如一日無日不深憂猿鶴古今怨鬼狻前後頭壯心
原未已奇骨可能俟仰視蒼蒼意行歌類楚囚

萬死投荒服孤踪只一身友朋羞面熟僮僕鎮情親屠狗
真知己晨鴉欲喚人趨衙甌有粥得飽未全貧

亦識竿魚困偏於嚼蠟深酒雄看劍膽灰冷讀書心默息

祛塵病清言契古音時來門外客屐響入空林

吳牧騶司馬仰賢小匏菴詩集題後

小匏菴繼長洲作大布衣推竹垞詩四海無人彈古調一編許我問真師寓言蝙蝠仍敦厚起舞荒雞苦亂離白髮青衫俱老矣蒼茫獨立又何之

贈牧騶

酒龍詩虎擅詩名萬里昆池政又成似子方堪論大雅幾人端不愧儒生赤眉一樣家山亂青眼重逢歲月更輪與歸休彭澤好田園松菊鎮幽清

牧騶見和疊韻再酬

拙學齋詩草

初編十九

四

詩似逃禪不爲名卅年書劍况無成雅談獨愛顧三絕舊學仍懷魯兩生昔年客山左與叔淵華治論詩最洽劫火紅羊人易老浮雲蒼狗事頻更茫然身墮蠻夷地難得山泉濁復清

雨夜卽事再柬牧騶

飢寒生宦味兵革重時艱勸酒空成醉論詩暫解顏夢深天末路愁極雨中山何計能歸隱蕭疏鬢欲斑

久雨乍晴

秋雨亦兼旬天如病瘧人雲愁常作障日薄乍看新偃仰悲生事逍遙契隱淪故園有松桂深處許爲鄰

奉檄總查城垣卽事志感

志拙年光誤生勞夢寐驚極知天不負那必事難平望氣
逢仙更憂時話老兵怪來歌慨慷擊柝可勝情

王春農司馬

棟

過訪五華寓舍時聞兵事甚急

早歲鄉園少過從天心撮合宦遊蹤西風黃菊疏籬酒北
舍青山古寺鐘老去故人稀健在憂來情話轉雍容杉漁
桂隱探消息何日相隨住碧峯

茫茫六詔此干戈悔逐虛名入網羅薄俗宦情雞肋改秋
原客思雁聲多南人叛服懷諸葛大長雄豪齒尉陀試向
昆池問疏鑿劫灰不盡待如何

雨夜懷人

拙學齋詩草

初編十九

五

心知難得故鄉遙兒女情深壯志消我漸衰遲君半老鳳
臺何處覓吹簫

五月相親別五年夢魂婀娜已涼天鴛鴦繡段勞相寄桃
葉桃根絕可憐

雲山咫尺是天涯小閣銀燈夜著花滴瀝不堪簾外雨封
侯人可憶還家

九日

離愁羈迹厭登臨九日邊關感慨心秋水煙波魚雁渺蒼
山烽火虎狼侵漫攜謝句天難問獨漉陶巾酒細斟閒醉
冷吟禁不得菊花楓葉兩蕭森

有感

貧來客過稀日日閉雙扉秋盡黃花老朝寒白露晞官仍
浮舸繫職似抱關微况復傳風鶴煙塵近 帝畿

邊荒亦未靖江海不聞書骨肉悲歌裏文章慨慷餘寸心
原許 國望眼只愁予俛仰人間世蕭閒感廢禱

偶得

苦把黔婁作富人青蠅貝錦一時新匹夫自抱連城璞別
足高歌泣鬼神

蘇季黃金已盡時馬援仍啟蓋珠疑鼓刀安得長安俠刺
殺如簧讒口兒

拙學齋詩草

初編 十九

六

悔成錯計勵冰清難博備中矯矯名暮夜四知人不畏腐
儒無術愧平生

覽古書懷

虛名非所受德意其交孚堂堂諸葛公曠世爲真儒羣策
盡効用晏然成蜀都雖以白眉良於法乃必誅後人失此
志志士翻泥塗

小夫見獨陋肉食稱俊英指薰以爲猶孺子方成名何况
秉私好望氣金銀并吁嗟郭汾陽道左檻車行苟無太白
識唐社已就傾

我來居亂邦辛勤知報主一身遭坎坷懷憂淚如雨不測

天地心但愁風塵苦自非伏櫪驥旁人笑椎魯眼看熊羆
姿咄哉何足數

山河亦形勝千里落賊手爵賞正不惜彼道由妾婦養鷹
慮飽颺反啄愈可醜官卑實天命箝制鄙夫口因思脫羈
縻去汝甘隴畝

滇感

蒼茫浩劫奈天何白帽紅巾漫止戈任是緡錢輸欲盡將
軍從不渡榆河

滿野哀黎詎忍論一官窮餓主人恩點蒼山色昆湖水天
未難消血淚痕

拙學齋詩草

初編 十九

七

戟府潭潭白日寒
猱啼鬼嘯又誰看
綬懷六詔原如此
雀角平爭事亦難

馳馬而今避道行
刀光如雪動層城
虎狼入市居民少
鑼鐵敲殘白骨聲

天心

天心於我甚只有一煩憂
齏粥貧何病萍蓬老不休
兵機餘涕泗詩卷擅風流
未遂投簪去江湖憶白鷗

秋夜與容共話

旅館一燈明
羈懷夜夜驚
青山沈暮雨
畫角滿秋城
客漫新亭淚
詩惟變徵聲
小臣心戀主
還欲請長纓

初度日述懷

客貧仍似舊冊載此虛生恭謹思前哲文章愧老成書來
兒廢學身在世知名那得神仙訣黃金指點輕

一官吾豈愛異域歎羈孤氣折風雲短情傷歲月徂秋霜
寒菊圃落日憶樵湖尊酒前檐下衰遲且自娛

弟兄江北路天末獨登高壽骨期同健殷憂未敢豪逢秋
增別緒多難警吾曹曾記分攜處京塵已二毛

曠觀寰宇闢擾擾一干戈腐鼠平生慨鯽魚名士多貳師
功未就買傅策如何極願櫬槍掃時平樂歲和

寓居滇垣絕糧屢矣作此自遣

拙學齋詩草

初編十九

八

宦貧不道真如水一飯難邀漂母恩閉戶強飢羞僕隸掩
書悔讀誠兒孫淚腸默乞天公悟望眼虛從世俗論記取
簞瓢中有樂幾時歸隱賦衡門

典衣感作

將寒更典篋中衣卒歲難謀當怨誰貧士苦因斗米計男
兒何用錢刀爲阮生犢鼻樂復樂蘇季貂裘悲更悲早晚
綠蓑與青笠挂冠神武莫遲疑

乞米慰僕

我生自識貧非病爾尙依依慰此心匣硯欠塵書去懶厨
薪不火坐來深人憐宦味翳桑飯客笑窮交鮑叔金獨夜

強看支枕卧未忘結習一長吟

對酒有憶

白眼遭時輩青山憶故人地偏能遠俗兒慧未全貧中聖
思徐邈逢仙夢孔賓倏焉吾老矣所乞是閒身

寓夜雜感二首

家無環堵室宦無隔宿糧奄忽將半百羈孤在殊方中原
况多故兵革紛帝鄉欲歸就閭里盜賊仍猖獗此邦果
可住猶未甚倉皇昨者陀陵氛又近昆池旁耳底風鶴警
東行阻黔荒男兒墮世間浩劫正茫茫縱橫萬里餘無處
堪伏藏少曾覽穰苴末秩謀豈臧坐茲抱怫鬱不得舒肝
拙學齋詩草 初編 十九
腸悠悠百年心灑淚惟詩章

九

詩章亦何貴近習羞不武古人稱儒將猶恥絳灌伍今人
誇俊英咄哉等牧豎用兵俄十霜功名賤塵土杼柚告空
竭於世究奚補賊勢真鼠狐彼徒更豺虎我愚芒刺背動
止傷栗股大敵慮無怯小醜翻懼侮日夕對友朋情話細
縷縷朔風撼庭樹孤窗耿月午還念父母邦暫歸誠誰主
求官一錯計半生識字苦

贈衍益山 謙 大令同年

乍逢難得便心知管鮑交深衆不疑燕國至今聞戰伐蒼
山何術起瘡痍宦情鄉味俱如此海角天涯問所之惟有

清尊對晨夕廿年同譜各支離

時益山相
儲至曲靖

自會垣返曲適得家兄壽州書復接兒輩故園家問

逐逐風塵可當歸寸函分到淚沾衣官猶乞食生涯拙書

縱傳家心事違

聞兩兒
均入泮

衰世文章賤泥土中年骨肉歎韉

鞵眼看憂喜紛然集無計橫空學雁飛

十一月四日紀事

世事紛難說天心豈有知身如虵畫足名是豹留皮生死

錢刀繫衣冠塗炭時劫塵今悟徹成佛究何癡

聞徐華治適守思南用甲辰京寓華治贈詩三絕句

韻作此寄懷

拙學齋詩草

初編十九

十

廿年交誼起酸寒湖上秋霜跨玉鞍

壬子秋別
於濟南

聞道今爲

二千石黃梁熟否話邯鄲

徐陵才調本人龍古寺清宵特地逢獨悵梅花吟社散豐

山何處響聞鐘

甲辰訂交於宣武城南興勝禪寺時宗
室奎晴江舉梅花吟社三人談藝甚歡

黔雨滇風歷歲華餼生官亦似浮家軍書兩地關情甚戰

壘驚看白骨花

是時滇黔
皆用兵

長至日懷子敦

去年至日同尊酒今日蕭條獨自身歸去梅花一萬里得

來知已兩三人江湖夢阻千山道歲月陽回大地春好語

南村素心侶耐寒松柏養輪囷

客有自會垣來者慨書近事

東道何曾許暫通
頻年坐擁一軍雄
金錢輸橐行人怨
豺虎當關民力空
專閫早聞虛竊位
薦書忽又首論功
茫茫孽海無窮恨
亟望乾坤掃晦蒙

月夜

圓月清於我
淒淒獨夜看
誰憐千里外
慣受五更寒
夢警風聲急
冬深雪意漫
忽聽沙雁語
失喜報平安

偶吟

四十餘年身便老
半生憂患苦憑陵
癱瘓病似離羣鶴
灰冷心同退院僧
白日滔滔壺激箭
朔風獵獵酒成冰
短歌

拙學齋詩草

初編十九

十一

擊缶難爲醉
無那相思託季鷹

乞蔡圃作篝燈夜課圖紀 先太宜人授書予兄弟

事也泣血敬題一詩並寄仲燮同作

古人讀書重養親
今人讀書希外榮
我愚四十百無成
愴然相念弟與兄
憶從識字共一燈
宣文教澤非等倫
三墳五典點畫精
夜夜考核何紛紛
綸嚴師慈母惟一身
恐荒世業同齊民
回首而今事如新
音容黯淡悽九京
監州兄也遠
壽春看雲萬里弟
獨行各老天
涯趨浮名幾曾承
歡逮親存悠悠昊天傷
哉貧蓼莪欲廢淚
滿巾隴岡表墓猶
逡巡九熊斷杼孤
苦辛作圖告哀示
子孫和墨長歌浩
縱橫

當年夏楚聲並吞曾參養志緊孰能遺跡既傳筆有神還
復寄詩淮河濱嗚呼一經雖抱心自盲寸心隱痛難具陳

益山餽荀詩以謝之

平生肉食心所鄙胸中千畝渭川擬故園食筍賤莫甚百
錢滿筐味愈美竭來奔走北復南無竹令人俗不堪每飯
思鄉如蓴鱸參禪玉版空耽耽忽枉良朋致此物素肌一
握生氣拂晨興得汝佐盤餐脆削鮮新解煩鬱珍重交情
焉可忘大官不數烹肥羊笑呼厨奴沽清酒歡然更念籛
龍長

卽事漫題三首

拙學齋詩草

初編十九

十一

曲城歎

曲城歎歎曲城曲城兵戈四野橫始自龍蛇迄今申雉堞
環守無留停城市幸安居民樂忽聞卡黎將背約長官亟
修寸簡去謂皆赤子無戕虐意示羈縻勢可緩椎埋一夫
志氣滿突然登堊左右望禍機倚伏紛到眼昨者挾貲上
將來仇讐狹路怒若雷疾趨捲甲衆口猜通衢殺人白骨
堆可憐千家愁絕閉戶坐揚沙走石風勢大哀鳴晨夕鳥
變聲聽我一歌曲陽城

太守來

五馬爭傳太守來青輿繡蓋何徘徊當年此間牧民者四

十方面亦豪哉睚眦有怨自不識今茲裂冠慘無色疾呼
對質如俘囚黃堂跪向戎幕北

祖宗成法一朝壞

弱肉強食吁可怪大猾乃假 朝命尊 君門萬里愁人

魂

黃金厄

黃金何厄厄窮途悔攫簪組投邊隅托足無地相向吁青
蠅白壁還遭誣有金固其罪無金又何辜顛危呼吸誰持
扶嗟哉上天亦慈仁我獨徧歷苦與辛辛亦既極我獨
卅年不一息誓將叩汝冥然不言之帝闈爲我下視中含
冤點金乏術難末已盟心空爾如白水人而不仁有若此
拙學齋詩草

初編十九

三

生非生兮死非死痛哭撫膺拔劍起

將星

將星天上降貪狼奏捷曾聞有報章供帳千村神鬼哭舉
旗一路土田荒艱難困獸偏能鬪搜索枯魚又遠颺眼底
紛紛盡袞鄂建牙吹角亦尋常

冬夜有寄

燈枝愁對語寒月滿街生坐向關河遠應憐一樣明

益山招同苑順之太守

文達

王梅軒幕府

澍田

小酌

席間感賦兼寄仲燮

江湖談笑布衣尊疇昔風流詎忍論欲向酒杯澆磊塊誰

從棋局問煩冤頭顱盡老各霜雪患難相親亦弟昆寒夜
醉深彌悵望淝陵千里月昏昏

越日復聚順之寓館各述京華舊游疊前韻有作

猶有親情共酒尊九衢人海話重論郎曹未合黃塵誤上

帝甯忘浩劫冤寒雪梅花娛白髮

太夫人
在堂

清風苜蓿慰金

昆

令弟黔中司
鐸適有書至

貧交我更懷鄉縣嶺樹如簪望裏昏

過順之寓觀所藏褚登善蘭亭墨蹟米南宮橫卷蔡

端明千文殘頁作歌紀幸

永和書蹟豈易見墨池空說右軍硯廟堂碑數褚登善不

圖得此又真面昭陵蘭紙出何代唐耶晉耶目爲眩異世

拙學齋詩草

初編十九

十四

神由脩祿傳什襲珍還定武賤更有龍跳虎卧痕筆力控

縱驚若奔趙宋能書本第一但苦贗作真無存茲卷護呵

仗靈物穢污曾恥秋壑捫

米卷曾藏
賈秋壑處

海桑陵谷八百載袍

笏展拜今彌尊溯昔四家推米蔡當時京也名亦大文房

黜陟秉至公遂使端明誇殿最千文揮灑摹智永會稽家

法終莫外殘編堪惜復堪秘如十三行露狡獪諸本遙從

燕市來昆湖萬里完叔灰主人雅尙偶一現青燈靜對心

顏開我愚咨嗟矜眼福古賢不復何悲哉風流晚近盡可

掩是日復觀文衡三君子者非凡才

山王夢樓書跡

宋文信國公墨蹟橫卷歌 順之所藏

成仁取義孔孟徒豈貴翰簡留斯須當年柴市慷慨餘一
十六字光寰區零丁洋裏歌且吁天地正氣獨扶持維公
大節曠世無卽茲遺跡猶絕殊諦觀三復神瞿瞿下掩文
士春蚓紆臨川筆動想像初玉帶生應旁侍隅後裔文肅
珍璠璣曾以此進明中樞歷劫不火墨不枯 昭代賢良
寶通都湯陸繼題皆純儒 卷爲文肅公舊藏入國朝
湯文正陸清獻兩公俱有題識
又走萬里如龍駒再拜起敬予懦夫敢污卷尾抹與塗日
星亘古儼照衢

順之爲言曲城圓通寺之勝擬游未果

此身拚著袈裟老佛性圓通夙昔好 秋暮與牧騶約晤詩
僧岩棲於省門之圓

拙學齋詩草 初編十九

五

通林泉再說郎州勝飄然欲登塵俗擾天公困人吁可憐
故山已忍幽魂牽座中談笑等閒事歸去應求負郭田

旅中忽得都門故友書卻寄

十年別緒意殷殷枉瑤章五朵雲楊柳金臺君送我梅
花玉笛我思君排當記領明燈隊叱咤曾消戰鼓氛功在
凌煙誰第一樂羊三篋未堪聞

拙學齋詩草初編

臨桂 廖鼎聲 金甫

續夢集二十

庚申

獨夜對月懷家兄三首

宦苦各一方天高不可訴此月出何許望汝東生路大江
渺千里飛雁亦無數末由送我行漫漫淮徐度
兩年墮邊州四載別京國遙憐鬢毛蒼相思了無極我正
愁當歸君何戀官職向月盟寸心層雲關塞黑
相依若性命坡穎千古懷歸田卽食貧聚處良爲佳危亂
况四方孤寄稀朋儕明明天上光照影寒空階

拙學齋詩草

初編

續夢集二十

遲友不至

杜門求盍簪鬱鬱誰與語夙昔稱素心河山亦間阻浮雲
論交誼寸衷感逆旅裁詩坐前榮明月自爾汝老梅香著
花空堂一延伫

曲寓苦寒有作

做裘行不暖耐此苦寒侵春破梅花色宵娛麩葉心疏櫺
教月坐老樹得風吟今夜飄搖感還於北地深

晨起書志四首

朔風撼庭戶晨興氣候冷曦輪漸東上就暖衣帶整一甌
茗飲清讀書目罔罔雖非淵明賢於此得幽靜

廚人進藿羹一飽忘肉味貧居自料理遑美卿相貴兵戈
叢近郭世事詫鼎沸我方尋山深道力希果毅

今歲風物惡水漲從夏秋側聽老農言歉薄苦不收微生
半羈旅值此彌般憂哀孤鴻嗷笑爲獨見留

迢迢望鄉井悽悽念親愛壯志庸未酬潔身惟求退故交
一相訊白眼阮生輩移文休用譏行矣決向背

山寺探梅

衝寒梅萼知何處綺窗芳訊日當曙故山別我五經春想
像幽花發滿樹湖西精舍香雪海銜杯舊會幾人在邇來
旅思彌蕭條獨游古剎鬚髮改東閣吟情深復深羅浮夢
拙學齋詩草 初編 二十 二
遠千秋心一枝未許天公吝攜鶴偏從月下尋

讀韓翁爲王達源題雪窗課子圖詩愴然有作

他人有母善教其子母心愈悲子心則喜一解母悲伊何

劬勞靡他子喜伊何學成則那二解維彼哲人發爲歌詠

永言以思無敢不敬三解吁嗟餼生亦秉母教悠悠昊天

曾是予之不孝四解中夜涕漣密省我愆譬讀蓼莪曾不

終篇五解我圖我詩載吟載諷畫荻雖殊誰堪伯仲六解

感事

皇帝十載冬庚申月戊子滇雲正風鶴陀陵戰披靡孤踪
學爰居奉檄出郊鄙豺狼又相食味陽難安止更聞京邑

書夷艘數十駛淀津迷衣塵清潞堅壁壘問途趨輦下相
距不百里是時東南亂羣盜早蠶起杼柚告匱藏戎車無
甯晷潢池兵未休重洋波復瀾固知 聖人心殷憂浩

劫否 廟謨紆深算急難求易弭 六龍乍整駕萬騎

輒旋軌緬維英吉黎壘斷實蠢爾自從 宣宗世騷

然薄海皆火輪耀鯨窟銅礮喧蜃市沿邊任搖蕩煽惑莽
莫理由來從東道機詐伏奸宄珠江幅員闊島嶼通遠邇

舶商載番貨泉刀重生死中華愛淫巧殊方弄奇技就說
鴉片毒尤稱譎與詭呼吸信潮汐煎熬愈病痔如布帛菽
粟波斯價孰比漏卮因慨言銀杯走倍蓰一朝設厲禁法

拙學齋詩草

初編 二十

三

行弊始此彼徒失舍利構覺肆詩侈遂令廿年來澤國非
坦砥狂瀾倒坤軸燎原及天軛白鬼焉殺人赤子驕獮耳
吁嗟 聖清德馨陸兼慄水懷柔本王道先後同一

揆能孤覆育恩應弗蠻貊齒小臣憤所切冠上怒髮指螻
臂思獨奮虎尾忘旣履么膺迅鋤殄夜夜星象視江湖渺
何許涕淚未自揣區區墮危邦寸腸裂如燬寄語諸節帥
寇氛歲終紀乘除叩蒼昊昏墊其可已

有懷故知

憶別榕湖又錦官廝磨耳鬢一衾寒分飛勞燕傷離苦文
采鴛鴦重合歡交到傾心真不易事常如意豈知難牙琴

拂處相思切拚引松風促膝彈

烈風行

烈風撼撼揚沙塵寒冬一月多變聲狼嗥滿山鴉四集鬼
俄前後心震驚寓公日夜慘容色排雲叫閭憂難明湛盧
出匣光動戶廣途艱哉彌榛荆脫身欲去苦未遂自顧頭
角空崢嶸昔游朔方氣候冷雪花掌大埋車輪蕭齋凍守
得僵臥牢愁已甚無顛傾竭來邊陲患愈鉅縱許增益終
何能耳中奔騰走萬馬坐上叱咤憑孤檠古賢有喻誇勁
草今我不樂蒙艱貞

啄孤雁詞

有序

拙學齋詩草

初編二十

四

雁棄偶則不雙逐羣飛宿夜則周行如巡更然獵
者始誘之以罔繼以火照之孤雁鳴則羣起見無
人焉因共啄之如是者再四啄且死而獵者乃得
肆志嗚呼雁雖微物其守節赴義克盡忠愛有若
此已作是詞意甚哀之云爾

啄孤雁孤雁哭孤雁胡然被人啄朝隨雁去不敢啼暮逐
雁歸不敢宿一啄孤雁傷羣雁四顧何傍徨再啄孤雁死
羣雁無知亦已矣吁嗟乎孤雁長號羣雁笑羣雁安眠孤
雁叫彼人誠智物誠愚此意孤忠獨憑弔照山獵火山谷
紅可憐啞啞鳴淒風雁雖啄死志弗二一心自矢惟節義

君不見寒更寂寂雁始悲羣雁又孤仍不飛有雁如斯啄
何爲

益山留飲醉書

古人信堪愛今人未當薄古人啜醅醪今人嗜狂藥古人
樂聖心陶然今人蹙蹙命在天金盤膾鯉且須醉箕踞歌
呼不得意爲君開顏飲盡器我雖非賢思避世

避世亦胡爲伯倫作達酒滿杯身入泥塗志鴻鵠轉圓天
道瞬卽回我不能爲袒褐弗浼柳下惠又不能爲蔽蔽可
飽孤竹裔自歎浮沈濁世間低首撫膺面垂涕

吾聞雍門鼓琴能使田文悲又聞王郎拔劍還令杜甫哀
拙學齋詩草 初編二十

五

嗣宗白眼廣武慨英雄不作何嗟哉人生目前取快意遑
論千秋與萬歲豫章翻風風怒號舉觴仰視明星高

楊升菴先生廿一史彈詞題後

成都才子滇南謫萬里人呼狂太白文章游戲本三昧吐
納奇氣在顛厄龐鴻以來億千紀遙吟俯唱天地窄當時
議禮初被放痛心先臣人不惜先生自是神仙人宰相家
聲傳石麟不辭嚴譴墮荒焚只要高歌驚鬼神東方談諧
南董直包括衆有言如新屈原離騷宋九辯比擬千秋誰
等倫我讀此詞發浩歎名流幾輩經遠竄山川文物柳柳
州儋耳之游尤汗漫海棠橋畔弔秦七亦復人間留妙翰

逐臣異想惟第一勝國宏才竟分半了髻傅粉市爐旁金
貂脫付酒家郎天子動容垂清問保身明哲非伴狂僉王
奸慝昭炯鑒元會運世存大綱老嫗可解童蒙求茲冊石
渠應護藏傳聞到今不脛走續編又見百年後紅蟲兆興
一代帝遺事無遺同不朽胸羅全史苦訓註析疑真堪膾
人口漢陽張禹木註釋此書復續入明紀彈詞二卷陋夫茆茆目雙瞳安識洪鐘
大小扣先生著述書滿家一斑窺豹從天涯巾箱祕寶藥
寒儉笙管吟唔芬齒牙行蹤况踵昔賢轍碧雞路險通三
巴流風餘韻此未墜夜燈把卷長嗟呀

送友歸粵東

拙學齋詩草

初編二十

六

雞鳴東方白剝啄門前聲故人來言別浩蕩五羊城此別
何時握手好江湖萬里生青草葉舟天際輕風吹中流客
與不復回我送君行豈得已誓欲相從有如水

自遭憂患以來友朋見過甚稀日與順之益山相聚
歸卽兀坐苦吟作此代簡

我生擇友如擇鄰論交四海無幾人面朋竊恥非所向心
知共好誰復親宦途趨熱傷炙手邇來厭薄元規塵忽然
同病得二子談藝考古風還澹一燈作花更漏永數甌酌
茗清香勻嚴寒獨挺松柏勁氣味不殊薑桂辛此中陶陶
忘茹蘖有時鬱鬱嗟勞薪古人渺矣道義在砥礪應許百

歲新埋頭琢句謝世俗羅雀門外全吾真

雜言四首

風搖搖樹不停日黯黯雲冥冥我心憂兮涕零

茹荼非苦口披棘又傷手

鳥飛入羅時震驚下士大笑蒼蠅聲

鴉鳴羞鳳皇遠求桐實歸高岡

長相思二首

長相思思憂傷嶺雲如繡山蒼蒼兩江夾流天中央黃淮
欲渡愁無梁鳳皇不來鳴歸昌自持完璧獻君王

長相思思更悲山高極天惟峨眉澁湏急湍胡不歸暮鴻

拙學齋詩草

初編二十

七

秋雁無停時少年綠髮今生絲手把明珠雙淚垂

聞津門近事有懷蓮舫

楊子今世彥訂交蓮湖隈悠悠策馬別音信無由猜邇聞
淀津急鬼舶高崖鬼鷲鶴軍陣聳鯨鯢海門開王師雖奮
迅巨礮爲之摧我友方閑居將母心遲回鷄鷓當何適遠
念煩驚喚昔年客東國苦志賡南陔板輿此時意或者陟
徂徠眷言我行邁萬里愁劫灰迫在危亂邦是處多黃埃
中夜思子切浩歌明予哀

臘月朔日偶書

年光迫歲暮而我猶閑居明珠方暗投擾擾任毀譽譽者

不足慰毀者不足疏葉公見真龍伯樂誇名駒和璞器未
琢豈琴桐半枯人生天地間既盈還若虛何況淪囂塵渾
爾非有餘請從造物喻冬藏春發舒

發舒亦非偶妙道希自然今晨飄雪風轉眼令且宣能爲
松柏姿莫作桃李妍能爲圭璋韞不受砭砭憐千金論劍
值出匣光逾鮮庖丁手中刀霍霍苦未堅在古明哲徒遵
養存吾天蛾眉望寵遇老大長棄捐

棄捐置泥塗覆水那可收富貴本天定視之如雲浮但須
齊彭殤何苦尋恩讐愚夫爭毫芒至死未肯休智士息機
械信命夫何憂五岳起寸心一錯鑄九州山高冰易消海
抽學齋詩草 初編二十

八

澗波弗流持此謝世人已矣善自謀

喜友見過

到門無熟客入座有良朋蹙額若相念憂患各不勝長風
盪空白日匿一甌苦茗對啣啣古稱及時好爲樂卽今強
笑中太息唾壺擊碎不成圓汞鉛煉盡無還丹世間只有
黃金貴可買平生行路難

送人入蜀

滇雲東去下三巴馬背船唇路正賒從此蠻天漫回首綺
窗寒月課梅花

夜步

踏燈上衢路仰視明星繁市人寂無聲林雀僵不翻卻尋
幽徑歸轆轤方在門鄰叟向予告習勤聊灌園

曉起寒甚作書

小奴擁衾慵不起竈婢當爐僵十指一九白日風吹來微
煖騰騰透窗紙做裘蘇季金使盡強呵凍筆深自忍侵晨
乞米呼窮檐記取書名今不廉

讀書有作十首

白日馳神州靈景不復回我生後古人慘慘心骨摧北陔
兼南征壯歲今衰墮力學苦不就塵慮亦已灰何能抱殘
編投老棲仙隈

拙學齋詩草

初編二十

九

古人詩言志志立患未早苟無明特性榮名要非寶徵君
詠閒居歸田實獨好柴桑栗里際爲歡不草草

爲儒當世賤幡然亦安適魯國大聖人栖栖在陳尼揚雄
莽大夫枉尋直不尺默焉懍寸衷歌聲出金石

三日一刮目三年毋窺園所得誰實多我將從與言至人
觀大意要道原不煩蠹魚食神仙終古參化源

賤子守世訓頌習爲根本先疇富細帙恨我生也晚祖庭
白髮耄九十學懇懇小來猶親見母教更篤婉况聞詩禮
義趨過未覺遠嗟哉浪遊踪五夜傷偃蹇

長淮風波惡有兄儒也吏昨方寓書來平安織成字上言

思念殷下言世俗忌文章
固云好沈淪居卑位遙知兵革
間苦吟動酸鼻不如共我隱
項強骨無媚

念我客四方兩兒語牙牙
我婦嫗育之長大各有家書香
偶然繼青衿未足誇我轉冀
汝學質樸休崇華

玲瓏故鄉山桂嶺鬱岩巽
獨秀居其中巍然上凌霄下有
讀書巖五君詠超超光祿世
不覲流風未蕭條我家鄰碧
峯中隱名尤標童年釣遊處
今昔夢已遙已矣歸去來散
髮升沈寥

作宦重讀律我豈於此拙
昨歲泊味陽清操勵冰潔豪強
手親鋤側聞小民悅世俗需
錢刀棄置閑散列把卷尙論

拙學齋詩草

初編二十

十

古布衾裹寒鐵

寓居當市闌誦讀昕至暮
亦有素心人扣關索長句郵筒
大江北聯吟還屢屢困窮天
所命聲華世笑妬寒冬就爐
火懶殘起煨芋此情彌淡然
吾方狎鷗鷺

烈風一月未息今晨氣尤寒冽
作此紀異

蚩尤展旗長竟天空中鼓鳴
何闐闐而月叫號今更厲無
怪風伯常好溟細思朕兆豈
難測猛獸磨牙人相食土囊
噫氣一勃然帝怒斯赫慘容
色黃埃淨掃得坦坦萬方祥
和春意滿

冬暮友人齋中詠花木六首

蘭

孤芳挺寒芽青葉相媚嫵入坐虛室白清言妙斯吐誰堪
擷彼秀素心佩千古

水仙

凌波仙子玉爲堂一握靈葩曉露涼娟妙盡除煙火氣清
寒長住水雲鄉洗空白石根纔托配與幽蘭體並香雪梳
冰壺商位置詩人費煞錦心腸

蠟梅

黃雲翦破春工巧土色中央嚼雪飽南枝金錠北枝凍膽
瓶拗折出手爪仙人掌人縞袂太清寒樓上綠珠空自殘芳心
拙學齋詩草 初編二十
似蠟封還見琥珀銜杯向爾歡

白茶花

品齊梔子潔質較牡丹肥椀大花爭發庭空雪正霏賞應
供玉茗采不並山薇亦有冰霜色闌干映夕暉

盆松

山松百尺蟠如龍胡爲屈曲生此益益中蒼然自抱古士
志孤高肯受秦人封吾儕後凋貞節撫君氣骨將毋同
北風苦寒天雪色荒齋呼酒烏帽側松兮松兮吾語汝種
向層峯勢崱嶮崖窮谷亦多霜霧逼那及茅茨樹挺特
松不能言似相識主人笑客客徑去松濤颯颯送歸路看

取明年偃蹇姿卑枝會有凌霄時

竹

居苦無竹人盡俗居但有竹猶未足昨宵參徹玉版禪今夕坐向篔簹谷衣裳染翠鬚髮青隔窗凍雨風冷冷天寒日暮興未已此君於我真忘形

滇有花似蘭而無香者開特繁茂詩以慨之

蘭香冠羣芳取其幽且清譬之君子人馨潔尤含貞滇中出他種花葉蔓長莖粗質寡臭味薰猶莫能明彼自伍衆草非復名瑤英歎息造化意此物何並生

古意三首

拙學齋詩草

初編二十

五

美人隔雲端亭亭自娟好欲往相爲言傷情獨小草圓珠出徑寸明明白如月君亮識我心奈何不識察羣鴉來啾啾張羅不能得咄哉林木間飛鵬思戢翼

題畫用怡志堂詩韻

樵人在山漁在谿不知溝水流東西時拂蘿薜牽蓑衣雨看雲出晴負曦此中桃源渺何許移家似聞蜀魄嗁

雨夜

凍雲灑空不成雪一星明處雨如屑紙窗風過猶冷然布衾冷透肌欲裂飢鼠緣壁暗窺人荒廚無米短檠折自憐清趣但苦吟起讀殘編磨寒鐵

寒月疊前韻

新月映階明如雪談清夜冷霏木屑梅花紙帳香欲疑關
山夢遠尺書裂有人楫棹煮芳醞火爐泥紅角巾折此情
幽絕真自知心腸竊慕廣平鐵

寄蜀僧仍用前韻

峨眉山寒餐古雪世塵雲擾誓不屑忽聞持鉢遊震間卓
錫西山碧巘裂老夫學佛愁綠髮想像頓心折封函
紙尾皈正法詩橫瘦語硬如鐵

曩客明湖有詩八十餘章曾題句云明將編作明湖

集自稿失遂佚其半矣猶憶夜泛湖心成燭影紅搖

拙學齋詩草

初編二十

三

荷外舫雲容白襯月中山之句洵奇景也偶補爲一
什以誌今昔之感云

燭影紅搖荷外舫雲容白襯月中山舊游如夢渾難遣雅
集成詩鉅忍刪蕭瑟庾公詞賦老蹉跎陶令菊松閒惟餘
朋輩天涯感兵革西風六詔間

晚飲微醉

濁醪心自清醉語偶然放曉寒坐幽閣得此一覺暢何當
尋南柯醒看天宇曠

朔風響撼撼簷鐸厲有聲我持古人書散髮當前榮兀然
徑已醉浩歌空復情

別順之益山梅軒暨曲陽諸友時將之任宣威

北風陡送一天雪夜寒踏燈告相別別心繚繞石龍峯此
會何時各嗚咽我家湘水流湯湯兩年宦轍瀟湘旁榕城
一官又符合那知故里仍他鄉羈孤但有同心友憂患無
端歷世久卽看東去愁沾巾從此西瞻怕回首男兒遠志
不如歸歸去衡廬堪息機息機待踐昔年約木石深山無
是非

友人見予詩咸以言歸爲詫作此再質

一官豈易成歸計世事於今願識微身是竿魚憐自困心
如籠鶴肯忘飛榭漁桂隱求生活獐雨蠻雲恨夕暉此後
招學齋詩草 初編二十
俸錢休浪擲呼童先製水田衣

西

白水驛遇雨

古驛依山曲荒城閉雨中到來孤館暮旅宿幾人同野水
寒逾白冬花晚獨紅此心計安樂不必問窮通

抵宣後暫舍書院中時歲事向暮官書日迫作此示
幕中諸友

我來榕山山清雄巖城面面山氣通講堂地隙鞍馬卸寒
廳四壁鳴朔風幕僚公瑾盡年少 幕中先後
三周君 火爐就煖尊

酒同臘殘歲序今已盡猶喜老梅香雪中牽率吏事日苦
短擬吟詩句難爲工昨者味陽別諸友離筵燗燗燒深紅

歛焉跡阻春又至人生始信真萍蓬窮邊茲土翳豈樂耳
聞歷劫埋沙蟲樗材甚忝作民牧但有精白明予衷兵塵
盜賊况滿野文章弁髦嗟昧蒙眼前舉比虛席擁連舍往
往叢戈戎慨然所居雖近聖何時禮讓仍推崇夜長繞屋
發咏歎衣冠竊愧同學翁

除夜

又是一年盡風光取次新老思書甲子歲恰守庚申家遠
愁人獨時艱拙宦貧惟應花笑我輾轉自逢春

拙學齋詩草

初編

二十

五

卷八

除夜

又

初編

二十

五

拙學齋詩草初編卷八除夜五
又至人土故奇真將盡報國志士歸當樂其

